

四庫全書

集部

欽定四庫全書

集部

東坡詩集註卷十一

詳校官庶吉士臣謝恭銘

檢討臣何思鈞覆勘

總校官進士臣朱鈺

校對官編修臣許兆椿

謄錄監生臣趙之變

欽定四庫全書

東坡詩集註卷八

宋 王十朋 撰

閒適

貧家一首

貧家淨掃地貧女好梳頭下士晚聞道聊以拙自修

莊子聞道雖晚而以勤補拙也叩門有佳客一飯相邀留

春炊勿草草此客未易媮慎勿用勞薪

厚杜詩一飯未曾留俗客次公晉書荀勗在帝坐進飯謂

人曰此是勞薪所炊咸未之信  
帝遣問膳夫乃云實用故車脚

感我如薰蕕續左傳一薰一蕕十

年尚猶有臭也

德人抱衡石銖黍安可庾

次公衡石者秤也銖黍言一銖一黍之重

也庾藏也

### 讀道藏

堯卿終南縣有上清太平宮有道藏先朝所賜書

嗟予亦何幸偶此琳宮居宮中復何有戢戢千函書

退師

之贈崔立之詩戢戢已多如束筍

盛以丹錦囊

師漢武內傳帝見西王母巾器中有一卷小黃

書盛以紫錦之囊帝問此何書曰此五岳真形圖也具

文祕禁即令女宋靈賓更取一圖以與帝靈賓探懷中

得一卷盛以雲錦冒以青霞裾先之乾牕子何讓之見

之囊因以付帝

一老翁歌讓之遂入丘

化一狐遁去案上得書一  
紙云何以蔽裸霞裾雲紉  
王喬掌闕籥蚩尤守其廬  
公次

蚩尤神名道藏中多  
畫蚩尤守禦之狀  
乘閒竊掀攪涉獵宜暇徐  
次公前漢賈山

涉獵書記不  
能為醇儒  
至人悟一言道集由中虛  
續莊子惟  
心閒

反自照皎皎如芙蓉千歲厭世去  
次公道家存想法當  
想心如未開蓮花豈

此事乎莊子千歲  
厭世去而上仙也  
此言乃蘧蔭人皆忽其身治之用土

直厚莊子道之曰以治  
身其土菟山之天下  
何暇及天下幽憂吾未除  
續莊子堯

以天下讓子州支父子州支父曰  
我適有幽憂之疾未暇治天下也

石芝 并引

元豐三年五月十一日夜夢游何人家開堂西門有  
小園古井井上皆蒼石石上生紫藤如龍蛇枝葉如  
赤箭主人言此石芝也余率爾折食一枝衆皆驚笑  
其味如鷄蘇而甘明日作此詩

空堂明月清且新幽人睡息來初勻了然非夢亦非覺

有人夜呼祈孔賓

續晉書祈嘉字孔賓清貧好學年二十餘夜忽寤中有聲呼曰祈孔賓隱

去來修飾人間事甚苦不可披衣相從到何許朱欄碧  
階所得未毛銖所喪如山崖

井開瓊戶忽驚石上堆龍蛇玉芝紫筍生無數鏘然敲

折青珊瑚厚晉武帝賜王愷珊瑚樹高二尺許枝柯扶踈世所罕比愷以示石崇崇以鐵如意擊之

應手而碎味如蜜藕和鷄蘇次公本草水蘇味辛一名鷄蘇主人相顧一撫

掌滿堂坐客皆盧胡次公史撫掌而笑後漢應劭傳昔鄭人以乾鼠為璞鬻之於周宋愚

夫亦寶燕石緹縉十重夫亦知洞府嘲輕脫厚太平廣

靚之者掩口盧胡而笑盧江間嘗醉吟曰閨苑花前是醉鄉誤餐王母終勝嵇

九霞觴羣仙拍手嫌輕脫謫向人間作酒狂康羨王烈援晉嵇康傳康遇王烈嘗得石髓如飴即自

服半餘半與康皆凝而為石烈歎曰叔夜志趣非常而輒神山一合五百年續神仙傳王烈之太行山中忽聞山東北如雷

聲烈往視之見石破山裂有一穴青泥流出如髓烈語弟子曰神仙經云神山五百年輒一開其中石髓出得

而服之壽  
等天地  
風吹石髓堅如鐵

夢回文二首 并序

十二月二十五日大雪始晴夢人以雪水烹小團茶  
使美人歌以飲余夢中為作回文詩覺而記其一句  
云亂點餘花唾碧衫意用飛燕唾花故事也乃續之  
為二絕句云

酡顏玉盃捧纖纖

次公楚詞美人醉朱顏酡子仁孟郊詩雲絃寂寂聽茗盃纖纖捧

點餘花唾碧衫

續趙飛燕外傳后與其妹婕妤好坐后誤唾婕妤好裏婕妤好曰姊唾染人紺碧正似



石上花故令尚方為之未必能  
如此衣之華乃以為石華廣襲  
歌咽水雲凝靜院夢驚  
松雪落空巖

空花落盡酒傾缸日上山融雪漲江紅焙淺甌新火活

堯卿唐沂公嗜茶能自煎謂  
人曰茶須緩火炙活火煎

龍團小碾鬪晴窗

### 夢雪

殘盃失春溫破被生夜悄開門千山白俯仰同一照雖  
時出圭角固自絕瑕竅羣兒勿驚懼調汝得一笑

### 臺頭寺步月得人字

風吹河漢掃微雲

次公古詩微雲淡河漢

步屣中庭月趣人

次公袁粲

步屣白楊郊杜詩突兀猶趣人

浥浥爐香初泛夜離離花影欲搖春遙

知金闕同清景想見羶車碾暗塵回首舊遊真是夢一

簪華髮岸綸巾

次公杜詩白幘岸江臯

六月十二日酒醒步月理髮而寢

羽蟲見月爭翾翻我亦散髮虛明軒

厚杜夏夜歎詩吳天出華月茂林延

疎光仲夏苦夜短開軒納微涼虛明見織毫羽蟲亦飛揚

千梳冷快肌骨醒風露氣

入霜蓬根

黃中真誥大極綠經云髮當數櫛血液不滯髮根常堅

起舞三人謾相

屬停盃一問終無言

援李白詩青天有月來曲肱薤簞幾何我今停盃一問之

有佳處

厚樂天寄李蘄州詩笛愁春盡梅花裏簞冷秋生薤葉中夢覺瓊樓空斷魂

次公翟乾祐與人翫月或曰月中竟何所有乾祐曰隨我手看之月規半天瓊樓玉宇滿焉良久乃隱

十月十四日以病在告獨酌

翠柏不知秋

次公杜詩荆楊不知秋

空庭失搖落幽人得佳蔭露

坐方獨酌月華稍澄穆露氣尤清薄小兒亦何知相語

翁正樂銅鑪燒栢子石鼎煮山藥一杯賞月露萬象紛

酬酢此生獨何幸風纜欣初泊

厚退之詩有如乘風船一縱不可纜誓逃

顏跖網

次公顏淵仁而夭盜跖不仁而壽皆不出天地之綱

行赴喬松約

赤松子王喬皆

神莫嫌風有待

厚莊子列子馭風而行冷然善也旬有五日然後反此雖免乎行猶有所待也

仙謾欲戲寥廓冷然心境空彷彿來笙鶴

援神仙傳王子晉好吹笙作鳳

風鳴後乘白鶴於緱氏山頭舉手謝時人而去

獨酌試藥玉滑盞有懷諸君子明日望夜月庭佳

景不可失作詩招之

鎔鉛煮白石作玉真自欺琢削為酒杯規模定州瓷荷  
心雖淺狹鏡面良渺瀰持此壽佳客到手不容辭曹侯

天下平

次公漢書廷尉天下之平

定國豈其師一飲至數石

續前漢于定國

為廷尉用法稱平飲酒至數石不亂

溫克頗似之

援詩小宛人之齊聖飲酒溫克

風流越

王孫詩酒屢出奇

厚陳平六出奇計

喜我有此客

續晉書桓溫請謝安為司

馬溫甚喜言平生歡笑竟日既出溫問左右曰嘗見我有此客不

玉杯不徒施請君詰

歐陽問疾來何遲

援維摩居士示病說法佛遣文殊問病也

呼兒掃月榭扶

病及良時

厚樂天詩今日正閒天又暖子能扶病暫來無

竹間亭小酌懷歐陽叔弼季默呈趙景貺陳履常

歲暮自急景

厚文選鮑明遠賦窮陰殺節急景周年

我閒方緩腸醉餘西

湖晚步轉北渚長地坐畧少長意行無澗岡

次公劉禹錫蠻子歌

意行無

久知薺麥青稍見榆柳黃  
盜盜春欲動

子仁杜牧之李

賀集序春之盜盜不足為其和也

澌澌夜未央

搜詩夜如何其夜未央

水天鷗鷺

靜月露松檜香撫景方婉婉

次公陸士衡歎逝賦老晚晚而將返

懷人重

淒涼豈無一老兵

編晉書謝弈嘗逼桓溫飲溫起走遂引溫一老兵共飲曰失一老兵得一

老兵亦何所恠

生念兩甌陽我意正麋鹿君材亦珪璋此會恐

難久此歡不可忘

子仁李太白詩明發首東路此懼焉可忘

過子忽出新意以山芋作玉糝羹色香味皆奇絕

天上酥酏則不可知人間決無此味也

香似龍涎仍醞白味如牛乳更全清莫將南海金螯膾

輕比東坡玉糝羹續大業拾遺松江鱸膾肉白如雪不腥所謂金螯玉膾東南之佳味也

趙郎中往莒縣逾月而歸以一壺遺之仍用前韻

東鄰主人遊不歸悲歌夜夜聞春相續禮鄰有喪春不相門前人

開馬嘶急一家喜氣如春釀王事何曾怨獨賢續詩大夫不均

我從事獨賢室人豈忍交謫厚詩我入自外室人交徧謫我大兒踉蹌越

門限續退之詩有兒雖甚憐教示不小兒呶啞語繡帳

定教舞袖徹伊涼

子仁伊涼曲名

更想夜庖鳴甕盎題詩送酒

君勿諂免使退之嘲一餉

援退之詩不解文字飲惟能醉紅裙雖得一餉樂有如聚

蚊飛

### 趙既見和復次韻答之

長安小吏天所放日夜歌呼和丞相

續曹參為丞相遊後園聞吏醉歌呼

從吏宰相國召按之乃反取酒張坐飲大歌呼與相和

豈知後世有阿瞞北海樽

前捉私釀

續曹孟德小字阿瞞自言參之後時年飢兵興公表置酒禁孔融爭之因得罪徐邈私飲

至於沉醉公怒罰之

先生未出禁酒國詩語孤高常近謗幾回無



酒欲沽君却畏有司書簿帳酸寒可笑分一斗

續王績侍詔門

下省故事官給酒日三升或問待詔何樂荅曰美醞三升差可戀耳侍中陳叔達聞之日給一斗時號斗酒學

士日飲無何足袁盎

厚袁盎為吳相兄子種謂盎曰吳王驕日久如令絲欲刻治彼不上

書告君則利劍刺君矣能日飲無何說王無反如此幸得脫

更將險語壓衰翁

厚退之翁

贈張籍險語破鬼膽

只恐自是臺無餉

續魯穆公巫觀鼎肉子思曰今而後知君之犬馬畜

及蓋自是臺無餉也

新釀桂酒

善權先生有桂酒頌其序曰楚詞曰奠桂酒兮椒漿是桂可以為酒也有隱居

者以桂酒方教吾釀成而玉色香味超然非世間物也

搵香篩辣入瓶盆  
盎盎春溪帶雨渾  
收拾小山藏社壑

次公淮南王門下八公又有大山小山之徒當時作招  
隱士一篇云桂樹叢生兮山之幽又云攀桂枝兮聊淹

留招呼明月到芳樽  
酒材已遣門生致  
厚周禮酒人篇以式法授酒材

菜把仍叨地主恩  
次公杜詩清農蒙菜把常荷地主恩  
爛煮葵羹斟桂醕

風流可惜在蠻村

惠守詹君見和復次韻

已破誰能惜甌盆

續後漢孟敏荷甌墮地不顧而去郭林宗見而問之對曰甌已破矣視之

何顏然醉裏得全渾  
欲求公瑾一倉米

厚周瑜字公瑾嘗過魯肅求貨

糧肅家有兩園米園各三  
千斛肅乃指一倉與周瑜  
試滿莊生五石樽援莊子惠  
子曰魏王

貽我大猷之種我樹之成而實五石莊子  
曰子何不慮以為大樽而浮之江湖也  
三杯卯困忘

家事萬戶春濃感國恩刺史不須要半道籃輿未暇走

山村續晉書刺史王弘每令人候陶潛知其當往廬山  
乃遣人賫酒於半道要之至州問其所乘曰素有

脚疾向乘籃輿亦足自反

真一酒米麥水三一而已此  
東坡先生真一酒也

撥雪披雲得乳泓蜜蠶又欲醉先生稻垂麥仰陰陽足

次公談數王元景嘗大醉楊遵彥謂之曰何太低昂  
元景曰黍熟頭低麥熟頭昂黍麥俱有所以低昂器

潔泉新表裏清曉日著顏紅有暈春風入髓散無聲人

間真一東坡老與作青州從事名

續晉書桓溫有主簿善別酒味以好者為

青州  
從事

庚辰歲正月十二日天門冬酒熟予自漉之且漉

且嘗遂以大醉二首

祖可山居要錄天門冬酒法醇酒一斗六月六日麩麥一

升好糯米五升作飯天門冬煎五升米須淘訖

煎乾取天門冬汁浸先將酒浸麩如常法候炊

飯適寒溫用煎和飲令相入釀之秋

夏七月勤看勿令熱秋冬十日熟

自撥沐頭一甕雲

厚白樂天詩南山入舍下酒甕在沐頭

幽人先已醉奇

芬天門冬熟新年喜麩米春香並舍聞

杜子美詩聞道雲安麩米春

菜圃漸疎雲漠漠竹扉斜掩雨紛紛擁裘睡覺知何處

吹面東風散纈紋

載酒無人過子雲

續楊雄贊時有好事者載酒般從雄游學

年來家醞有奇

芬醉鄉杳杳誰同夢

厚唐王績有醉鄉記

睡息勦勦得自聞口業

向時猶小小

厚白樂天詩漸伏酒魔休放醉猶殘口業未拋詩

眼花因酒尚紛

紛

援先生嘗云口業不停詩有債眼花亂墜酒生風

點燈更試淮南語汎溢東

風有穀紋

淮南子東風至而酒汎溢

遊諸佛舍一日飲醎茶七盞戲書懃師壁

示病維摩元不病

任維摩詰言從癡有愛則我病生以一切衆生病是故我病若一切衆生

病滅則我病滅

在家靈運已忘家

續鳥窠禪師謂會通禪師曰汝若了淨智圓妙體自空寂

即真出家何假外相汝當為在家菩薩戒施俱修如謝靈運之流也

何須魏帝一丸藥

魏

文帝詩與我一丸藥光耀有五

且盡盧仝七椀茶

厚盧仝謝

孟諫議寄新茶一椀喉吻潤二椀破孤悶三椀搜枯腸惟有文字五千卷四椀發輕汗平生不平事盡向毛孔散五椀肌骨清六椀通仙靈七椀喫不得也惟覺兩腋習習輕風生

汲江煎茶

活水仍須活火烹自臨釣石汲深清大瓢貯月歸春甕

小杓分江入夜併雪乳已翻煎處脚

次公茶譜袁州之界橋其茶名甚著

不若湖州之研膏紫筍烹之有綠脚垂下也

松風忽作瀉時聲枯腸未易禁

三椀臥聽山城長短更

### 種茶

松間旅生茶已與松俱瘦茨棘尚未容蒙翳爭交構天

公所遺棄百歲仍穉幼紫筍雖不長

厚陸羽茶經紫者上綠者次筍者上

芹者孤根乃獨壽移栽白鶴嶺土軟春雨後彌旬得連

陰似許晚遂茂能忘流轉苦

任杜詩寄語風光共流轉暫時相賞莫相違

戢

戢出鳥味

厚茶譜蜀州雀舌鳥嘴麥類

未任供白磨且可資摘嗅千

團輸大官

次公大官天子之官主飲食

百餅銜私鬪

次公茶經建人謂鬪茶為茗戰

何如此一啜有味出吾園

種松得徠字

其四在懷古堂其五在石經院

春風吹榆林亂莢飛作堆荒園一雨過戢戢千萬栽青松種不生百株望一枚一枚已有餘氣壓千畝槐野人易斗粟云自魯徠徠

次公詩徠徠之松

魯人不知貴萬竈飛青



煤師兗州出佳墨多用徂徠山松燒煤束縛同一車胡為乎來哉續西狩獲麟孔

子曰孰為來哉泫然解其縛次公許子面縛銜璧以見楚王楚王命解其縛清泉洗浮

埃枝傷葉尚困生意未肯回山僧老無子養護如嬰孩

坐待走龍蛇清陰滿南臺孤根裂山石直榦排風雷續杜

詩榦排風雨尤力爭根斷泉源豈天意我今百日客養此千歲材茯苓無

消息續松脂入土千雙鬢日夜催古今一俛仰作詩寄

餘哀

戲作種松

我昔少年日種松滿東岡初移一寸根瑣細如種秧二  
年黃茆下一一攢麥芒三年出蓬艾滿山散牛羊不見  
十年餘想作龍蛇長夜雨波浪碎朝露珠璣香我欲食

其膏已伐百本桑人事多乖迕

子仁杜詩人  
事多錯迕

神物竟渺

茫竭來齊安野夾路須髯蒼會開龜蛇窟

續松脂入土  
千年為茯苓

狀如龜蛇鳥獸者良杜甫寄揚員  
外云翻動神仙窟封題鳥獸形

不惜斤斧創縱未得

茯苓且當拾流肪釜盞百出入皎然散飛霜槁死三彭

仇次公三彭道書所謂彭質彭躋彭居也神仙傳僧  
契虛造仙境仙官謂之曰子能伐三彭之仇乎 瀑

換五穀腸青骨凝綠髓丹田發幽光白髮何足道要使

雙瞳方却後五百年騎鶴還故鄉

厚王子晉騎鶴還緱氏山頭與世人相別

### 雨後行菜

夢回聞雨聲喜我菜甲長平明江路濕並岸飛兩漿天  
公真富有乳膏瀉黃壤霜根一蕃滋風葉漸俯仰未任

筐筥載已作杯盤想艱難生理窄

厚杜詩人生留滯生理難斗水何直百憂

寬一味敢專饗

次公王羲之云有一味之甘割而分之

小摘飯山僧

厚杜詩自

鉏稀菜甲小摘為情親

清安寄真賞芥藍如茵葷脆美牙頰響白

菘類羔豚冒土出蹠掌

厚左傳宰夫  
胹熊蹠不熟

誰能視火候小竈

當自養

和子由種菜久旱不生

新春階下笋芽生  
廚裏霜齏倒舊甕  
時遶麥田求野薺  
強為僧舍煮山羹  
園無雨潤何須歎  
身與時違合退耕  
欲看年華自有處  
鬢間秋色雨三莖

子仁子由詩云家  
居閒暇厭長日欲

看年華  
上菜莖

煮菜

并序

吾借王參軍地種菜不及半畝而吾與過子終年飽  
菜夜半飲醉無以解酒輒擷菜煮之味含土膏氣飽  
風露雖梁肉不能及也人生須底物而更貪耶乃作  
四句

秋來霜露滿東園蘆菔生兒芥有孫我與何曾同一飽

不知何苦食雞豚

續何曾性奢侈一食  
萬錢猶云無下筋處

問大冶長老乞桃花茶栽東坡

堯祖大冶縣  
屬興國軍

周詩記苦茶

續詩誰謂茶  
苦其甘如薺

茗飲出近世

子仁杜詩茗飲  
蔗漿携所有

初緣厭梁肉

續杜詩甲第  
紛紛厭梁肉

假此雪昏滯嗟我五畝園桑

麥苦蒙翳不令寸地閒

次公杜詩寸地  
尺天俱入貢

更乞茶子藝飢

寒未知免已作大飽計庶將通有無農末不相戾春來  
凍地裂紫筍森已銳牛羊煩訶叱筐筥未敢睨江南老  
道人齒髮日夜逝他年雪堂品尚記桃花喬

獨覺

瘴霧三年恬不怪反畏北風生體疥朝來縮頸似寒鴉  
焰火生薪聊一快紅波翻屋春風起先生默坐春風裏

浮空眼纈散雲霞

次公李賀詩龜甲屏風醉眼纈

無數心花發桃李

厚華

嚴經善提心

儵然獨覺午牕明

次公陳後主詩午醉醒來晚無人夢自驚夕陽

如有意故傍小意明

欲覺猶聞醉鼾聲回首向來蕭瑟處也無風

雨也無晴

### 謫居三適三首

#### 旦起理髮

安眠海自運浩浩朝黃宮

次公莊子海運則鵬徙於南溟道家以齊下為丹田腦頂

為黃宮故云若要不老還精補腦有河車擊運之法

日出露未晞

續詩兼葭萋萋白露未晞又湛

濕露斯匪  
陽不晞

鬱鬱濛濛霜松老櫛從我久齒疎含清風一洗

耳目明習習萬竅通少年苦嗜睡朝謁常忽忽爬搔未

云足已困冠巾重何異服轅馬沙塵滿風駛

孝祥柳宗  
元晉問風

駿霧

琯鞍響珂月實與杻械同解放不可期枯柳豈易

逢

次公先生嘗有詩云  
何異枯楊便馬疥

誰能書此樂獻與腰金公

午窻生睡

蒲團盤兩膝竹几閣雙肘此間道路熟徑到無何有

續莊

子何不樹之於  
無何有之鄉

身心兩不見息息安且久睡蛇本亦無



何用鈎與手

厚遺教經煩惱毒蛇睡在汝心當以持神戒之鈎早併除之睡蛇既出乃可安眠

凝凝夜禪體適劇卯酒

厚白樂天詩未如卯時酒神速功力倍

我生有定

數祿盡空餘壽枯楊不飛花

厚易枯楊生稊何可久也

膏澤回衰朽

謂我此為覺物至了不受謂我今方夢此心初不垢

厚藥

師經生無垢濁心無怒害心

非夢亦非覺請問希夷叟

次公陳圖南自號希夷先

生有衣冠子金勵謁先生曰勵向遊華欲見先生先生睡未覺睡亦有道乎先生為詩曰常人無所重三睡乃為重舉世此為息魂離神不動覺來無所知貪求心愈動堪笑塵地中不知夢是夢

夜臥濯足

長安大雪年

厚杜詩漢時長安雪一丈牛馬寒毛縮如蝟

東薪抱衾裯

次公詩肅

肅宵征抱衾與裯任杜詩城中斗米換衾裯相許寧論兩相直

雲安市無井斗水寬百

憂

次公杜引水詩月峽瞿唐雪作頂亂石崢嶸俗無井雲安汲水奴僕悲魚復移居心力省白帝城西萬竹

盤接筒引水喉不乾人生留滯生理難斗水何直百憂寬

令我逃空谷

續莊子逃虛空者聞人足

音覈然而喜

孤城笑鴝鷓

次公傳鴝鷓嘯夜

得米如得珠

厚說苑墨子謂滑釐

曰今凶年有欲與子隋侯之珠者又欲與子鍾粟者得粟不得珠得珠不得粟子持誰擇

食菜不敢

留況有松風聲

厚南史陶弘景隱居聞松風欣然而樂

釜鬲鳴颼颼

次公史記

蔡澤傳澤入韓魏

瓦盎深及膝時復冷暖投明燈一爪

遇奪釜鬲於塗

剪快若鷹辭鞬

厚退之送侯參謀詩令君行得所勢若脫鞬鷹

天低瘴雲重地

薄海氣浮土無重脰藥

援左傳郇瑕氏之地土薄水獨淺於是乎有沉溺重脰之疾

以薪水瘳誰能更包裹冠履二沐猴

續漢書項羽傳韓生曰人言楚人沐

猴而冠果然

### 倦夜

倦枕厭長夜小窻終未明孤村一犬吠

厚晉史傅咸云一犬吠形羣犬

吠聲殘月幾人行衰髮久已白旅懷空自清荒園有絡緯

次公崔豹古今注絡緯促織別名

虛織竟何成

縱筆三首

寂寂東坡一病翁，白頭蕭散滿霜風。小兒悞喜朱顏在。

一笑那知是酒紅。

厚白樂天詩霜侵殘鬢無多黑酒伴衰顏只暫紅

父老爭看烏角巾。

續杜詩錦里先生烏角巾

應緣曾現宰官身。

次公觀音

經言主宰有官之人不必縣令

谿邊古路三叉口，獨立斜陽數過人。

北船不到米如珠，醉飽蕭條半月無。明日東家知祀竈。

厚後漢孫寶為張忠主簿入舍祭竈請比鄰

隻鷄斗酒定膳吾。

援後漢喬玄傳曹操祭玄

墓文曰承從容誓約之言殂歿之後有經由斗酒隻鷄過相沃酌

夜燒松明火

歲暮風雨交

厚杜詩鷄鳴風雨交久旱雨亦好

客舍淒薄寒夜燒松明

火照室紅龍鸞快焰初煌煌碧烟稍團團幽人忽富貴

總帳芬椒蘭珠煤綴屋角香澗流銅槃

香澗松澗也出本草注

坐

看十八公

續三國志丁固夢松生其腹上曰松字十八公後十八年吾其為三公乎

俯仰灰

燼殘齊奴朝爨蠟

次公晉石崇小字齊奴嘗以蠟代薪

萊公夜長歎

次公歸田

錄寇公自少富貴不點油燈雖寢室亦然燭所至燭淚成堆

海康無此物燭盡更未

闌

客俎經旬無肉又子由勸不讀書蕭然清坐乃無

一事

病怯腥鹹不買魚

無已白樂天詩下  
飯腥鹹小白魚

爾來心腹一時虛

次公老子虛

使君不復憐烏攫

續黃霸為潁川太守吏  
食於道傍烏攫其肉後

其心實其腹

日吏還霸迎勞之曰甚苦

屬國方將掘鼠餘

厚蘇武在  
匈奴單于

欲降之乃徙武北海上無人處使牧

老去獨收人所棄

抵廩食不至掘野鼠草實而食之

厚史記白圭人棄

悠哉時到物之初

援莊子老聃方沐  
孔子見之曰請問

我取人取我與

所游曰吾方

從今免被孫郎笑絳帕蒙頭讀道書

次公  
孫策

游物之初

字伯符人呼之為孫郎江表傳策欲斬道士于吉諸將  
勸之策曰昔南陽張津為交州刺史捨前聖典訓廢漢  
家法律嘗著絳帕頭鼓瑟燒香讀邪俗道書云以  
助化卒為南夷所殺此甚無益諸君但未悟耳

### 觀碁

并引

子素不解棋獨遊廬山白鶴觀觀中人皆闔戶晝寢  
獨聞棋聲於古松流水之間意欣然喜之自爾欲學  
然終不解也兒子過乃粗能者儋守張中日從之戲  
子亦隅坐竟日不以為厭也

五老峯前白鶴遺址長松蔭亭風日清美

厚陶淵明斜  
川詩序天氣

澄和風  
物間美  
我時獨遊不逢一士誰歎慕者戶外屨二  
續禮記戶

外有  
屨不聞人聲時聞落子  
厚白樂天池上詩山僧對棋坐局上竹陰清映竹無人見

時聞下  
子聲  
紋枰坐對  
次公杜牧之詩玉子紋楸一路饒  
誰究此味空鈎意

鈎豈在魴鯉小兒近道剥啄信指  
續退之詩剥剥啄啄有客至門  
勝固

欣然敗亦可喜優哉游哉  
援詩優哉游哉聊以卒歲  
聊復爾耳  
厚晉阮咸

曰未能免俗

聊復爾耳

出城送客不及步至溪上二首

送客客已去尋花花未開未能城裏去且復水邊來父



老借問我使君安在哉今年好風雪會見麥千堆

春來六十日笑口幾時開

子仁白樂天詩青春只有  
九十日不開口笑是癡人

會

作堂堂去

厚古詩青春背我堂堂去  
白髮欺人故故生

何妨得得來

續僧貫休詩一

瓶一鉢垂垂老萬

倦遊行老矣

厚司馬相如與卓文君  
歸成都家徒四壁立卓

王孫耻之昆弟諸公更謂王孫曰  
長卿故倦遊雖貧其人材足依也

舊隱賦歸哉東望我

眉小廬山翠作堆

郡東廬山絕  
類我眉而小

被酒獨行徧至子雲威徽先覺四黎之舍三首

半醒半醉問諸黎

次公杜牧詩半  
醒半醉遊三日

竹刺藤梢步步迷

厚杜

詩竹寒沙碧浣花溪  
橋刺藤梢咫尺速

但尋牛失覓歸路

次公韓非子商  
太宰問市南門

之外牛  
失何多

家在牛欄西復西

堯祖李賀詩家  
住錢塘東復東

總角黎家三小童

續詩總  
角卅分

口吹葱葉送迎翁莫作天涯

萬里意

厚古詩相去萬餘  
里各在天一涯

谿邊自有舞雩風

符老風情柰老何朱顏減盡鬢絲多  
投梭每困東鄰女

續晉謝鯤鄰家高氏女有美色

換扇唯逢春夢婆

是日  
復見

鯤嘗挑之女投梭折其兩齒  
符林秀才說  
換扇之事

寶山晝睡

十朋杭州圖經云  
寶山在吳山之南

七尺頑軀走世塵

次公選詩昔為七尺軀

十圍便腹貯天真

續邊孝先

晝睡弟子嘲之曰邊孝先腹便便懶讀書晝日眠次公尹緯腰帶十圍

此中空洞渾無物

何止容君數百人

厚晉王導嘗枕周顛膝而指其腹曰卿此中何所有也荅曰此中空洞無

物足容卿輩數百人導亦不以為忤

### 飲酒四首

我觀人間世無如醉中真  
虛空為銷殞况乃百憂身  
悲哉知此晚坐令華髮新  
聖人驟難得日且致賢人

左手持蟹螯舉觴矚雲漢  
天生此神物為我洗憂患  
山

川同恍惚魚鳥共蕭散客至壺自傾欲去不得問

有客遠方來酌我一甌若我醉方不啜強啜忽復醒既  
鑿渾沌氏遂遠華脊境操戈逐儒生舉觴還酌酌

雷觴淡於水經年不濡唇爰有授龍裔為造英靈春英  
靈韻甚高蒲萄難與鄰他年血食汝當配杜康神

睡起

柿葉滿庭紅顆秋薰爐沉水度春篝松風夢與故人遇  
自駕飛鴻跨九州

醉睡

有道難行不如醉  
有口難言不如睡  
先生醉臥此石間  
萬古無人知此意

東坡詩集註卷八

欽定四庫全書

東坡詩集註卷九

宋 王十朋 撰

貽贈

再過超然臺贈太守霍翔

倬超然臺在密州

昔飲雩泉別常山天寒歲在龍蛇間

續後漢鄭玄傳玄夢見孔子告之曰

起起今歲在辰來年歲在巳既悟以識合之知命當終注引北齊劉書言玄曰辰為龍巳為蛇歲在龍蛇賢人

嗟堯卿公辰年冬末罷知密州正在辰巳之間

山中兒童拍手笑問我西去何

當還

厚後漢郭伋行部到河西美稷有兒童數百騎竹馬迎拜且問何日當還

十年不赴竹

馬約扁舟獨與魚蓑閒重來父老喜我在扶挈老幼相

遮攀當時襜褕皆七尺

次公周禮卿大夫辨夫家之可任者國中自七尺以至六十野

自六尺以及六十有五疏云七尺謂年二十六尺謂年十五許先生離密上云歲在龍蛇間由辰年至今乙丑元豐八年才十年耳而云襜褕皆七尺則亦誇言之也

而我安得留朱顏問今太

守為誰歟護羌充國鬢未斑

自注翔自言在熙河作屯田有功續漢護羌校尉趙

充國擊先零上屯田策

躬持牛酒勞行役無復杞菊嘲寒慳

厚先生嘗

作後杞菊賦以譏公使庫之儉陋

超然置酒尋舊迹尚有詩賦鏡堅頑



孤雲落日在馬耳

次公馬耳山在密州先生雪詩云試掃北臺看馬耳

照耀金碧

開烟鬟却淇自古北流水

棧水經注却淇之水出西南常山東北流入澗澗自箕縣

北達東武西北流合却淇之水漢琅琊有扶縣蓋却與扶同音

跳波下瀨鳴玦環願公

談笑作石球坐使城郭生溪灣

卧病逾月請郡不許復直玉堂十一月一日鑠院

是日苦寒詔賜宮燭法酒書呈同院

微霰疎疎點玉堂

子朋玉堂詳見和章七出守湖州詩註

詞頭夜下攬衣

忙分光御燭星辰爛拜賜宮壺雨露香醉眼有花書字

大老人無睡漏聲長

厚劉禹錫詩老人無睡到天明

何時却逐桑榆暖

社酒寒燈樂未央

續薛令之題東宮詩帝見之續云若嫌松桂寒任逐桑榆暖

冬至日贈安節

我生幾冬至少小如昨日當時事父兄上壽拜脫膝十

年閱凋謝白髮催衰疾瞻前惟兄三顧後子由一次唐公

友傳李華作二孝贊顧後絕配瞻前無鄰

近者隔濤江遠者天一壁今朝復

何幸見此萬里姪憶汝總角時

子朋詩總角卯兮

啼笑為梨栗

續淵明責子詩通子垂九齡但覓梨與栗

今來能慷慨志氣堅鐵石

邦銜皮日休桃

花賦序宋璟疑  
其鐵腸石心  
諸孫行復爾  
世事何時畢  
詩成却超然

老淚不成滴

成都進士杜暹伯升出家名法通往來吳中

欲識當年杜伯升  
飄然雲水一孤僧  
若教俯首隨韉鎖

續班嗣言貫仁義之  
羈絆係名聲之韉鎖  
料得如今似我能  
柳子玉云通若  
及第不過似我

厚按先生詩話僕偶問通師子若不脫屣場屋  
今何為矣柳子玉云不過似我能因戲為此詩

祈雪霧猪泉出城馬上有作贈舒堯文

三年走吳越踏遍千重山  
朝隨白雲去莫與棲鴉還  
翩

如得木狃

次公此杜詩失木狃之反也

飛步誰能攀一為符竹累坐

老敲榜間此行亦何事聊散腰脚頑浩蕩城西南亂山

如玦環

次公退之詩清玉刻佩聯玦環

山下野人家桑柘雜榛管歲晏

風日暖人牛相對閒薄雪不蓋土麥苗稀可刪願君發

豪句嘲笑破天慳

靈隱前一首贈唐林夫

靈隱前天竺後兩澗春淙一靈鷲

續昔有胡僧見杭州靈隱寺云此山自天

竺鷲山飛來故人名之曰天竺山也德揚圖經杭州靈山之陰北澗之陽即靈隱寺靈山之南南澗之陽即天

竺寺二澗流水號錢源泉遠寺峯南北不知水從何處而下至峯前合為一澗有橋號合澗橋

來跳波赴壑如奔雷

駒父韋應物聽嘉陵江聲云水性本亦靜石中固無聲如何兩相激

雷轉空山鳴

無情有意兩莫測肯向冷泉亭下相縈迴

夢仙圖經

云冷泉亭在飛來峯下唐石司郎中杭州刺史元莫建厚白樂天冷泉亭記東南山水餘杭郡為最就郡言靈

隱為尤由寺觀冷泉亭為甲

我在錢塘六百日

次公在錢塘六

百日雖是紀實暗使白樂天詩在郡六百日遊山十二回也先生解杭守日別南北山道人詩云到郡依前六百日山中不  
山中暫來不暖席今君欲作靈隱居葛衣

草屨隨僧蔬能與冷泉作主一百日不用二十四考書

中書

續唐書郭子儀以身為天下安危者二十年校中書令二十四考

和劉長安題薛周逸老亭周善飲酒未七十而致

仕

次公劉長安劉敬原父也薛周莫考其何人但先生謂其善飲酒而子由有詩亦專稱其能飲

耳

近聞薛公子早退驚常流買園招野鶴鑿井動潛虬次公

晉書言如野鶴之在鷄羣人

自言酒中趣

續晉書孟嘉好飲愈多不

蜀都賦云動高鶴出潛虬

一斗勝涼州

厚續漢書載燉煌張氏家

亂桓溫問嘉酒有何好而卿嗜之嘉曰公未得酒中趣耳

翻然拂衣去親愛挽不留

傳曰扶風孟陀以蒲萄酒一斗遺張讓即得涼州刺史

厚晉書鄧攸傳吳人歌攸曰  
隱居亦何樂素志庶可求  
鄧侯挽不留謝令推不去

所亡嗟無幾所得不啻酬青春為君好白日為君悠山

鳥奏琴筑野花弄閒幽雖辭功與名其樂實素侯

續史記太

公曰今有無食祿之奉爵邑之人而樂與之比者命曰  
素封又曰千金之家乃與王者同樂豈所謂素封者邪

至今清夜夢尚驚冠壓頭誰能載美酒往以大白浮

說

苑魏文侯與大夫飲使公乘不仁  
為觴政曰飲不盡者浮以大白

之子雖不識因公可

與遊

### 閱世亭詩贈任仲微

任公鎮西南嘗贈繞朝策

續左傳晉人患秦之用士會也謀歸之士會行繞朝贈之

以策曰子無謂秦無人各謀適不用也

當時若盡用善陣無赫赫

援孫子曰善陣

者無赫赫之功

淒涼十年後邪正久已白却留封德彝天意渺

難測

續魏徵勸太宗行仁義封德彝笑之其後果治太宗曰恨封德彝之不及見也次公杜牧詩可憐貞

觀太平後天且不留封德彝

象賢真驥種號訴甘百謫

次公前漢陳遵日出醉歸

曹事數廢西曹以故事適之侍曹詣寺舍白遵遵曰滿百乃相聞以故事有百適者斥適請為謫

宣云

報仇讐禍福指絡脉

子仁秦少游作任師中墓表元豐中公知瀘州使者誣奏公西南乞

第過江安時不時掩擊乃延儒生講書疑有私謁朝廷疑之乃先使人下章於他郡各窮竟所考未具而公卒



時當塗者以公既沒欲為使者地公之子大防三詣  
關上書陳寃狀獄不敢變使者竟免大防即仲微也高

才食舊德

子仁文選班固西都賦士食舊德之名氏食舊德字出周易

但恐里門窄

續前漢于定國云少高大門間令容駟馬車我治獄多陰德子孫必有興者傷心千騎歸次

千騎太守事古陌上桑云東方千餘騎夫婿居上頭贈印黃壤隔惟有亭前檜閱

世不改色千年興井在記此王粲宅

援杜詩應同王粲宅留井峴山前

贈潘谷

祖謙志林云賣墨者潘谷余不識其人然聞其所為非市井人也墨既精妙而價不

二士或不持錢求墨不計多少與之一日忽取欠墨錢券焚之飲酒三日發狂浪走遂赴井死

人下視之蓋跌坐井中手尚持數珠也見張元明言如此

潘郎曉踏河陽春

次公潘郎晉潘岳也嘗為河陽令

明珠白壁驚市人

厚潘岳美姿儀與夏侯湛交每止行同轡接茵京師謂之連璧

那知望拜馬蹄下

續岳性輕

躁趨勢利與石崇等諂事賈謐每候其出輒望塵拜

胸中一斛泥與塵何似墨潘

穿破褐琅玕翠餅敲玄笏布衫漆墨手如龜未害冰壺

貯秋月世人重耳輕目前區區張李爭姪妍

援宋朝張遇李廷珪

墨為時所重

一朝入海尋李白

續杜詩巢父掉頭不肯住東將入海尋烟霧又云兩尋禹

穴見李白道甫問信今何如堯卿先王既作此詩後潘谷因事落井而死人以為此詩識

空看人間

畫墨仙

頤溪尋李白本無謂殆識語耳然得名墨仙幸矣志林豈入欲實此語邪堯卿未必志林也

送南屏謙師并序

南屏謙師妙於茶事自云得之於心應之於手非可  
以言傳學到者十二月二十七日聞軾遊落星遠來  
設茶作此詩贈之

道人曉出南屏山來試點茶三昧手忽驚午盞兔毛斑  
打作春蠶鵝兒酒天台乳花世不見玉川風腋今安有  
先生有意續茶經會使老謙名不朽

續玉川子茶歌七  
碗喫不得也惟覺

兩腋習習清風  
生陸羽作茶經

又贈老謙

瀉湯舊得茶三昧，覓句近窺詩一斑。

續王以之云：管中窺豹，時見一斑。

清夜漫漫困搜攪，齋腸那得許堅頑。

予少年頗知種松，手植數萬株，皆中梁柱矣。都梁山中見杜輿秀才求學其法，戲贈二首。

露宿泥行草棘中，十年春雨養髯龍。

次公都梁山，泗工之山也。髯龍以言

松，西京雜記載，松有五鬣七鬣之名。

如今尺五城南杜

續雖距集韋曲杜鄆近，長安諺云：城

南韋杜去天五尺。

欲問東坡學種松。

君方掃雪收松子我已開榛得茯苓

厚抱朴子松脂入地千歲化為茯苓

為問何如插楊柳明年飛絮作浮萍

次公世言楊花入水經宿為浮萍

贈善相程傑

心傳異學不謀身自要清時閱措紳  
火色上騰雖有數

續唐岑文本謂馬周鷲肩火色騰上必速恐不能久

急流勇退豈無人

次公本朝錢若水見

陳搏先生有一僧擁褐對坐謂若水非神仙骨但却得好官能於急流中勇退爾其僧乃白閑道者

書中

苦覓元非訣醉裏微言却近真  
我似樂天君記取華顛

賞遍洛陽春

師白居易退老洛中二十餘年

贈虔州術士謝晉臣

屬國新從海外歸

續蘇武自匈奴歸拜典屬國

君平且莫下簾帷

厚

君平賣卜成都閱數人得百錢以自養則閉肆下簾而授老子

前生恐是盧行者

次公

者第六祖也名惠能韶州南華寺乃其道場按傳燈錄即得法於弘忍太師者是已後學過呼韓

退之死後人傳戒定慧

次公傳燈錄法海禪師初見六祖問曰即心即佛願垂指喻師

云聽吾偈曰即心名慧即佛名定定慧等持意中清淨蓋佛氏謂戒生定定生慧也

生時宿直斗

牛箕

子仁先王蓋自謂生時與退之相似蓋命宮在斗門而身宮亦在馬故其詩曰我生之辰日宿南斗

事見本集憑君為算行年看

次公杜詩憑君為算小行年

便數生時到死

時

過雲龍山人張天驤

郊原雨初足風日清且好病守亦欣然肩輿白雲道荒  
田咽蛩蚓林巷懸黎棗下有幽人居閉門空雀噪西風  
高正厲落葉紛可掃孤僮卧斜日病馬放秋草墟里通  
有無垣墻任摧倒君家本冠蓋絲竹闌鄰保脫身聲利  
中道德自濯澡躬耕抱羸疾次公陶潛云躬耕自資遂抱羸疾奉養百  
歲老詩書膏吻頰菽水媚翁媪飢寒天隨子杞菊自擷

芼

續陸龜蒙自號天隨子常食杞菊及夏五月枝葉老硬氣味苦澀猶食不已因作杞菊賦以自廣云爾杞

未棘爾菊未

慈孝董邵南雞狗相乳抱

厚韓退之詩嗟哉董生孝且慈

無人識惟有天翁知生祥下瑞無時期家有狗乳出求食雞求哺其兒

吾生如寄耳歸計

失不早故人豈敢忘但恐迫華皓從君學種秫

厚晉陶潛為彭

澤令在縣公田悉令種秫曰使吾常醉於酒足矣

斗酒時相勞

援楊惲曰歲時伏臘斗酒自勞

### 訪張山人得山中字二首

魚龍隨水落

子仁杜詩水落魚龍夜又云魚龍迴夜水

猿鶴嘉君還

次公孔稚圭北

山移文云蕙帳空今夜鶴怨山人去兮曉猿驚舊隱丘墟外新堂紫翠間

次公杜牧



之詩千峯  
橫紫翠  
野麋馴杖履幽桂出榛管  
次公退之寄崔二十六云稱多量少

鑿我密宜念  
幽桂遺榛管  
灑掃門前路山公亦愛山  
張故居為大水所壞新卜此室

故居之東援山公  
山簡也公自謂

萬木鎮雲龍  
名山  
天留與戴公  
子仁戴符常乞買山錢於岷詩意或指此又潤州

有戴路迷山向背人在灤西東  
續灤水在夔州奉節縣出於山谷間南入江楚

俗謂水可步者為灤杜詩灤西灤東  
一萬家甫嘗寓居灤西復遷灤東也  
薺麥餘春雪  
倬退之琴

採云霜雪賀  
賀薺麥之茂  
櫻桃落晚風入城都不記歸路醉眠中

### 雨中過舒教授

疎疎簾外竹，瀏瀏竹間雨。牕扉靜無塵，几硯寒生霧。美人樂幽獨，有得緣無慕。坐依蒲褐禪，起聽風甌語。客來

澹無有，灑掃涼冠屨。濃茗洗積昏，妙香淨浮慮。

子仁杜詩云心

清聞妙香歸來北堂閣，一一微螢渡。此生憂患中，一餉安閒

處。飛鳶悔前笑。

援馬援謂官屬曰吾從弟少游常哀吾慷慨多大志曰士生一世但取衣食纒

足乘下澤車騎歎段馬鄉里稱善人足矣至求盈滿但自苦耳當吾在浪泊西里問虜未滅之時下潦上霧毒氣熏蒸仰視飛鳶跼跼墮水中引念少游平生時語何可得也。黃犬悲晚悟。援李斯臨刑謂中子曰吾欲與若復牽黃犬但出上蔡東門逐狡兔豈可得也。自非陶靖節誰識此間趣。

大寒步至東坡贈巢三

春雨如暗塵春風吹倒人東坡數間屋巢子與誰鄰空

牀斂敗絮破竈鬱生薪相對不言寒哀哉知我貧

續史記管

仲曰吾嘗與鮑叔賈分財利多自與鮑叔不以我為貧知我貧也

我有一瓢酒獨飲良

不仁未能頰我頰聊復濡子脣故人千鍾祿馭吏醉吐

茵

厚前漢丙吉傳吉馭吏嗜酒數通蕩嘗從吉出醉嘔丞相車上西曹主吏白欲斥之吉曰以醉飽之失去

使此人將復何所容西曹第那知我與子坐作寒螿聲忍之此不過汚丞相車茵耳

努力莫怨天我爾皆天民行看花柳動共享無邊春

贈孫莘老七絕

嗟予與子久離羣耳冷心灰百不聞若對青山談世事

當須舉白便浮君

厚劉向說苑魏文侯與大夫飲酒使公乘不仁為觴政曰飲不釀者浮以

大白吳都賦出躡珠履動以  
千百里燕卷飲飛鷗舉白

天目山前淥浸裾

次公天目山在湖州按樂史寰宇記湖州安吉縣天目山三萬六千尺父

老云欲渡難及避水穴天目海陵山為第一而水經浙  
江水出吳興郡於潛縣北天目山極高峻崖嶺疎疊  
西臨後湖山上有霜木皆是數百年樹謂之雙鳳林按  
王存九域志湖州南至杭州界首五十里故天目山於  
寰宇記則係之湖州於水經則係之於  
潛而於潛雖屬杭州蓋於湖州接壤也  
碧瀾堂下看街

艦次公舳  
相街

作堤捍水非吾事間送苕溪入太湖次公先  
生倅杭

以開運鹽河至湖其言作堤捍水非吾  
事意謂於此可以為堤而事不在已

夜來雨洗碧巒岿浪湧雲屯遠郭寒聞有弁山何處是

為君四面竟求看

次公弁山按寰宇  
記載在烏程縣

夜橋燈火照溪明欲放扁舟取次行暫借官奴遣吹笛

明朝新月到三更

次公溪應是前篇所謂苕溪也寰宇  
記又載在烏程縣水雪溪條下云雪

者四水激射之聲蓋四水合為一溪也  
曰若溪曰前溪曰餘不溪曰雪溪也

三年京國厭藜蒿長羨淮魚壓楚糟今日駱駝橋下泊

恣看修網出銀刀

次公駱駝橋唐垂拱元年造以形似駱駝背名之劉禹錫詩曰駱駝橋上

蘋風起鸚鵡盃中若下春杜詩出網銀刀亂

烏城霜稻襲人香

次公烏程是湖州縣名寰宇記曰古烏程能醞酒故名縣又指酒為烏程

按張景陽七命之言酒曰乃有荆南烏程豫北竹葉而李善引盛弘之荊州記曰淶水出豫州康樂縣其間烏城鄉有酒官取水為酒極甘美與湘東郵湖酒年嘗獻之釀作春風雪水光  
次公按寰宇記

此專在長興縣之雪水徐中而茗水在安吉時復中之縣大率一水二名之所經歷而皆是湖州耳

徐邈聖

魏志徐邈為尚書郎時科酒禁而邈私飲至

於沉醉校尉趙達問以曹事邈曰中聖人達白太祖太祖甚怒鮮于輔進曰平日醉客謂酒清者為聖人濁者為賢人耳竟得免後文帝見邈問曰頗復中聖

人不對曰昔子反斃於陽穀御叔罰於  
母多酌我次公  
飲酒臣嗜同二子不能自懲時復中之  
狂厚西漢蓋寬饒字次公為司隸平恩侯許伯入第丞  
相己下皆賀寬饒東鄉特坐許伯自酌曰蓋君後至  
寬饒曰無多酌我我乃狂酒丞相魏  
其侯笑曰次公醒而狂何必酒也

去年臘日訪孤山曾借僧牕半日閒

次公孤山在杭州見前卷先生臘日

遊孤山訪勤不為思歸對妻子道人有約徑須還  
思二僧詩注

至秀州贈錢端公安道并寄其弟惠山老

鴛鴦湖邊月如水孤舟夜傍鴛鴦起平明繫纜石橋亭

慚愧冒寒髯御史

次公指言錢安道也安道髯而為御史故也

結交最晚情

獨厚論心無數今有幾寂寞抱關歎蕭生

續前漢蕭望之傳霍光秉

政王仲翁與蕭望之等數人皆召見先是上官桀等謀殺光後出入自備吏民當見者先露索去刀兵兩吏挾持望之獨不肯聽自引出曰不願見於是光不用望之而仲翁至光祿大夫望之署小苑東門候仲翁出入傳呼甚寵顧謂曰不肯碌碌反抱關為望之曰各從其志

耆老執戟哀揚子

厚前漢揚雄傳

贊云為郎給事黃門與王莽劉歆並哀帝之初又與董賢同官當成哀平間莽賢皆為三公權傾人主而雄三世不徙官及莽時以耆老久轉為大夫蓋黃門郎掌守門戶故執戟潘岳詩云執戟疲揚

怪君顏采

却秀發無乃遷謫反便美天公欲困無奈何世人共抑

真疎矣毗陵高山錫無骨陸子遺味泉冰齒

次公毗陵常州也高



山惠山也陸子陸羽也羽善煎茶次第水品以無錫惠  
山寺石泉為第二包吉贈劉尊師詩曉漱瓊膏玉齒寒  
祖謙按韻語陽秋云汝州之治諸井皆以夾錫錢鎮之  
每井率數十千問其故一老兵曰此邦饒風沙沙入井  
中人飲之即成癯夾錫錢所以治沙土也因  
思無惠山泉清甘甲於二浙者以有錫也 賢哉仲氏

早拂衣占斷此山長洗耳

厚晉孫楚曰所以枕流欲洗其耳

山頭望湖

光潑山下濯足波生指儻容逸少問金堂

續許邁常遺莪之書

云自山之南至臨安多有金堂玉室仙人芝草左元放之徒在焉義之自為之傳

記與嵇康留

石髓

援嵇康過王烈共入山烈嘗得石髓如飴即自服半餘半與康凝而為石烈嘆曰叔夜志趣非常而

不遇命也

贈治易僧智周

寒牕孤坐凍生餅

沈唐鄭祭詩  
凍餅粘柱礎

尚挹遺編照露螢

續車  
屑以

練囊盛螢  
火照讀書閣束九師新得妙

厚淮南王安聘明易者九  
人號九師文中子云九師

興而易道徵次公晉庾翼傳京兆杜乂陳郡殷浩並才  
名冠出而翼弗之重也每語人曰此輩宜束之高閣俟

天下太平然後議其任耳  
退之詩春秋三傳束高閣

夢吞三畫舊通靈

援吳虞翻  
立易註奏

上曰臣郡吏陳眺夢臣與道士相遇布易六爻梳其  
三以示臣臣乞盡吞之道士言易道在天三文足矣斷

絃掛壁知音喪

師與契嵩深相  
知時已逝矣

揮塵空山亂石聽

厚生  
法師

講經人無信者乃聚石為  
徒與談至理石皆若點頭

齋罷何須更臨水

援晉書佛  
圖澄嘗齋

時至流水則從腹旁孔子引出胸中自有洗心經  
五臟六腑洗之訖還納腹中

除夜病中贈段屯田

堯卿段釋之也

龍鍾三十九勞生已強半歲暮日斜時還為昔人嘆

樂天

詩云行年三十九歲暮日斜時今年一線在那復堪把玩

厚杜詩何人錯憶窮愁日

愁日愁隨一線長歲時記宮中以細線量日影至日日影添一線堯卿柳子厚書曰悠悠人世越不過三十年

客耳前過三十七年與瞬息無異後所得者其不足把玩亦已審矣

欲起強持酒故交雲

雨散惟有病相尋空齋為老伴

嬪白居易詩病興樂天相伴住

蕭條燈

火冷寒夜何時旦

厚寧戚扣牛角歌曰長夜漫漫何時旦

倦僕觸屏風

陳

萬年病召其子咸教戒於牀  
下語至夜半咸睡頭觸屏風  
飢飽嗅空案數朝閉閣卧

霜髮秋蓬亂

韓詩首如飛蓬

傳聞使者來策杖就梳盥書來苦

安慰不怪造請緩大夫忠烈後

續段太尉謚曰忠烈朱泚反召段秀實議事秀

實戎服與源休並膝語至僭位秀實勃然而起執源腕奪其象笏奮躍而前唾泚面大罵曰狂賊吾恨不斬汝頭爾我豈遂汝反耶遂擊之泚舉臂自捍才中其顙血流旬旬而走  
高義金石貫要當擊

權豪未肯覩衰懦此生何所似暗盡灰中炭歸田計已

決此邦聊假館三徑粗成資

續三輔決錄曰蔣詡字元卿舍中三徑惟羊仲求仲

從之避皆姓廉逃名不出

一枝有餘暖

援莊子鷦鷯巢於深林不過一枝

願君更信

宿

續凡師一宿為舍再宿為信

庶奉一笑祭

次公公羊曰軍人祭然皆笑

喬太博見和復次韻答之

百年三萬日老病常居半

任太白詩百年三萬六千日子仁列子楊朱曰百年壽之

大齊得年者千無一馬設有一者孩抱以逮昏老幾居其半矣夜眠之所弭晝覺之所遺又幾居其半矣痛疾哀苦亡失憂懼又幾居其半矣其間互憂樂歌笑雜悲歎顛倒不自知

直為神所玩須臾便堪笑萬事風雨散自從識此理久

謝少年伴逝將遊無何

厚莊子遊於無何有之鄉

豈暇讀城旦

續西漢竇

太后好老子書召問轅固固曰此家人言耳太非才更后怒曰安得司空城旦書乎乃使固入園擊壤

多病二事可并案

堯卿曹操討烏桓孔融嘲之曰大將軍遠征蕭條海外昔肅慎不貢楛矢

丁零盜蘇武牛羊可并案乎

愧煩賢使者弭節整紛亂喬侯瑚璉質

清廟嘗薦盥

厚清廟祀文王也易曰觀盥而不薦

奮髯百吏走走坐變齊俗

緩

續朱博為瑯琊太守齊部舒緩養名博新視事右曹掾吏皆移病卧博奮髯抵几曰觀齊兒欲以此為俗

耶皆斥罷諸病吏白巾走出府門又救功曹官屬多寢衣大詔不中節度自今掾吏衣皆令去地三寸數年大

改其俗如楚趙

未遭甘鷓退

援左傳六鷓退飛過宋都風也

並進耻魚貫

厚易魚貫

以宮人罷次公並眾而進則恥如魚之貫堯卿鄧艾下蜀道由陰平魚貫而進

每聞議論餘凜

凜激貪懦莫耶當自躍

援莊子曰大冶鑄金金踴躍曰我必為莫耶大冶必以為不祥

之  
金 豈復煩爐炭便應朝秣越未暮刷燕館續顏延年天馬賦旦刷幽

燕畫秣荆越師李白  
詩鷄鳴刷幽晡秣越  
胡為守故丘眷戀桑榆暖次公唐明皇續

薛令之詩曰  
任逐桑榆暖為君叩牛角一詠南山粲續寧戚侯齊桓公出叩牛角而

歌曰南山粲繁白石爛生不逢堯與舜禪短布單  
衣才至軒從昏飯牛至夜半長夜漫漫何時旦

### 二公再和亦再答之

寒鷄知將晨飢鶴知夜半次公鷄知將晨鶴知夜半出淮南子亦如老病

客遇節嘗感歎光陰等敲石任白居易詩蝸牛角上爭何事石火光中寄此身

過眼不容玩親友如搏沙放手還復散羈孤每自笑寂

冥誰肯伴元達號神君

晉猶吏喬智明字元達續元達為隆慮其二縣愛之號為神君

高論森月旦

續許劭與從兄靖俱有高名好共覈論鄉黨人物每月輒更品題故汝南俗有月旦

評紀明本賢將

段釋之本將家續段穎字紀明為護羌校尉窮討西羌甚有威名在邊十餘年

未嘗一日蓐寢與將士同苦故人皆樂為死戰

汨沒事堆按

次公嵇康書堆按滿前

欣然

肯相顧夜閣燈火亂盤空愧不飽酒薄僅堪盥雍容許

着帽不怪安石緩

續桓溫請謝安為司馬溫詣安值其理髮安性遲緩久而方罷使取饋溫

見留之曰令司馬着帽進其見重安者如此

雖無窈窕人清唱弄珠貫

續禮記

累然端如貫珠

幸有縱橫舌說劍起慵慵

續莊子有說劍篇

二豪沉下



位暗火埋濕炭豈似草玄人  
嘿嘿老儒館行看富貴逼

續周武帝謂楊素曰善自勉勿憂不富貴  
素曰臣恐富貴來逼人臣無心於富貴  
炙手借餘暖

厚唐元載為相有用事者四人熏灼中外人為之語曰  
卓李鄭薛炙手可熱次公杜詩炙手可熱勢絕倫而杜

田補遺引唐史遺事安樂公主玄宗之  
季妹附會韋氏炙手可熱人咸畏之  
應念苦思歸登

樓賦王粲  
次公王粲以西京擾亂乃避地荊州依  
劉表因登江陵城樓懷歸而作登樓賦

贈王仲素寺丞  
名景純

養氣如養兒  
續老子專氣致柔能如嬰兒乎  
次公醫經云欲養兒慎風池  
棄官如棄

泥  
厚莊子棄隸  
者如棄泥塗  
人皆笑予拙事定竟難迷歸耕獨患貧

問予何所齋尺宅自足比寸田有餘畦

厚黃庭經寸田尺宅以治生兩

眉間為上丹田心為絳宮  
田臍下三尺為下丹田

明珠照短褐陋室生虹蜺雖

無孔方兄

續魯褒著錢神論云  
親之如兄字曰孔方

顧有法喜妻

援維摩詰  
言法喜以

為彈琴一長嘯不答阮與嵇

援孫登好讀易撫一絃琴  
住宜陽山文帝聞之使阮

籍往觀既見與語亦不應嵇康又從之游三年間其所  
圖終不答續阮籍嘗於蘇門山遇孫登與商畧棲神導  
氣之術登不應

曹南劉夫子

次公劉夫子宜劉宜翁乎  
先生在惠州時有書與宜

籍因長嘯而退  
翁咨問道要自以為杜門屏居胸中廓然實無荆棘有  
受道之質可以付授且曰或有外丹已成可助梨棗者  
望不惜分惠其書具在毗陵後集堯卿劉安世  
待制字器之曹南人得養生煉丹術公嘗師之名與子

政齊家有鴻寶書

續劉向字子政父德治淮南王獄得枕中鴻寶苑秘書言神仙使鬼物為

金之術向幻而誦以為奇獻之

不鑄金裹蹄

厚武帝紀太始二年三月詔曰有司議曰朕郊

見上帝西登龍首獲白麟以饋宗廟渥注水出天馬泰山見黃金宜改故名今更黃金為麟趾裹蹄以協瑞馬

促膝問道要遂蒙分刀圭

續退之詩金丹別後知傳得乞取刀圭救病身孫本草丸

散藥有云刀圭者十分方寸七之一堆如梧桐子大

不忍獨不死尺書肯見梯

次公

孟簡告韓退之曰我得秘藥不可獨不死今遺子一器

我生本彊鄙少以氣自擠

孤舟到江河赤手攬象犀年來稍自笑留氣下暖臍苦

恨聞道晚意象颯以淒空見孫思邈區區賦病梨

續盧照鄰

得惡疾從孫邀問養生之道作病梨賦以自悲

余去金山五年而復至次舊詩韻贈寶覺長老

曹按

年譜先生熙寧七年自杭移密至元豐二年已未自徐移湖首尾凡五年

誰能斗酒博西涼

厚後漢孟佗以蒲萄酒一斛遺張讓即拜佗涼州刺史

但愛齋

厨法豉香舊事真成一夢過高談為洗五年忙清風偶

與山阿曲明月聊隨屋角方稽首願師憐久客直將歸

路指茫茫

師淮山警策云一朝臥疾在牀衆苦縈纏前路茫茫未知何往

贈惠山僧惠表

行遍天涯意未闌

洪父成都古今記天涯石在大將心東門內昭覺寺相對高六七尺

到處遣人安

次公傳燈錄惠可謂達磨曰我心未寧乞師與安曰將心來與汝安曰覓心了不可

得師曰我與汝安心竟

山中老宿依然在案上楞嚴已不看

次公案上

惟有楞嚴經事亦見傳燈錄

欹枕落花餘幾片閉門新竹自千竿客

來茶罷空無有盧橘楊梅尚帶酸

次公上林賦云盧橘夏熟黃柑榛橙枇杷

燃柿唐子西作李氏山園記言園中盧橘為特盛世說孔融指楊梅戲謂楊修曰此君家果邪

### 贈錢道人

書生苦信書世事仍臆度不量力所負輕出千鈞諾當

時一快意事過有餘作不知幾州鐵鑄此一大錯

續北夢瑣

言羅紹威以魏博牙兵騎甚盡殺之遂為梁朱溫所制乃謂親吏曰聚六州四十三縣鐵鑄一箇錯不成我

生涉憂患常恐長罪惡淨觀殊可喜脚淺猶容却而况

錢夫子萬事初不作相逢更何言無病亦無藥

厚傳燈錄一鉢

歌亦無藥亦無病正是真如靈覺性

### 贈黃山人

面頰照人元自赤眉毛覆眼見來烏

次公杜詩瑣石藤梢元自落倚天枯

尚見來枯

倦遊不擬談玄牝

續老子谷神不死是謂玄牝玄牝之門是謂天地根

示病

何妨出白鬚

次公維磨詰以方便示病而說法

絕學已生真定惠

次公老子

絕學無憂佛經有成定惠

說禪長笑老浮屠東坡若肯三年住親與

先生看藥爐

贈袁陟

堯卿字世弼豫章人自號遜翁有集十卷嘉祐間終祕書丞

是身如虛空萬物皆我儲胡為強分別

次公維摩經又言仁者強分別

百金買田盧不見袁夫子神馬載尻輿

續莊子假使化子之尻以為輪

以神為馬予因以乘之豈更駕哉

游乎無何有

厚莊子游於無何有之鄉

一飯不願

餘次公柳子厚贈江華長老詩云一飯不願餘跣趺便終夕

官湖為我池學舍為我

居何以遺子孫

子仁後漢逸民傳劉表謂龐公曰先生若居吠而不可官祿後世何以遺子孫乎

此身自遽除

次公遽除之義有二有言曰柔者又云能仰而不能俯則國語遽除蒙繆是已有云

籬竹席則詩云遽除不鮮是已今義未審

薰風暗楊柳秋水靜芙蓉應觀

我知子不怪子知魚

援莊子與惠子觀魚於濠梁之上莊子曰從容是魚樂也惠子曰子

非魚安知魚之樂莊子曰子非我安知我不知魚之樂

贈章默并序

章默居士字志明生公侯家才性高爽棄家求道不蓄妻子與世無累而父母與兄之喪貧不能舉以是



眷眷世間不能無求於人余深哀其志既有以少助  
之又取其言為詩以贈其行庶幾有哀之者

章子親未葬餘生抱羸疾朝吟噎鄰里夜淚腐茵席前

年黑花生今歲白髮出

厚本朝王禹偁表云蚤年多病  
眼有黑花晚歲多憂頭生白髮

身隨日月逝恨與天地畢願求不毛田

次公傳云錫之不毛是已親

築長夜室難從王孫裸

厚前漢楊王孫病且死令其  
子曰吾欲裸葬以反吾真未

忍夏后聖

援禮記有虞氏瓦棺夏后  
氏塹周注塹燒土葬也

五陵多豪士

續高  
帝葬

長陵惠帝安陵景帝陽陵武帝茂陵昭帝平陵  
五陵皆在長安北徙天下豪傑之家以實之

百萬付

一擲

厚晉劉毅家無擔石之儲博蒲一擲百萬

心知義財難甘就貧友乞不

辭毛粟施行自丘山積此志苟朝遂夕死真不戚誓求

無生理不踐有為迹棄身尸陀林

次公按唐僧玄應一切經音義曰尸陀林

此言寒林具林幽邃而寒因以名也在王舍城側死人多送其中師通明七賢女經云七賢女者並是諸大國王之女遇賞花之節百千人衆各各奔趨所遊之處以為取樂七賢女中有一女曰諸姊妹我與汝等不可一同衆人遊賞塵寰取其世樂也却同諸姊妹遊尸陀林諸姊妹曰彼處盡是死尸汗穢有何好事女曰諸姊妹但去甚有好事既到林中遂指死尸謂諸姊妹曰尸在這裏人向什麼處去諸姊妹諦觀於是悟道又西域記言如來在日莫比丘於尸陀林又三水小牘云僧從諫卒上言送尸於建春門外尸陀林施於鳥獸為食三日後人往視之

體貌如生

烏鳶任狼籍

次公莊子上為烏鳶食下為螻蟻食

### 贈葛葦

竹椽茆屋半摧傾，肯向蜂窠寄此生。

續有學逃生死法者乃詐死寄菟兔

于蜂窠中鬼卒尋之了不可得次公蜂窠寄此生不過言其所居窄小而懸露耳先生又有師曰舉族長懸似細腰舊注所引與詩意不相似非是長恐波頭卷室去，欲將船尾載君行。

小詩試擬孟東野，大草閒臨張伯英。

厚張芝字伯英善草書其後晉人衛

瓘索靖亦俱善草書論者謂瓘得伯英筋靖得伯英肉

消遣百年須底物，故應憐

我不歸耕

贈王寂

與君暫別不須嗟俯仰歸來鬢未華  
記取江南烟雨裏

青山斷處是君家

贈杜介

并序

元豐八年七月二十五日杜幾先自浙東還與余相

遇於金山話天台之異以詩贈之

我夢遊天台橫空石橋小

續天台山記云石橋路不盈尺長數十丈下臨千丈深澗

惟忘其身然後能濟渡得平路始見所謂天台者

秋風吹蒹露

次公蒹草上之露也宋永初山

川記曰寧州瘴氣藹露四時不絕藹者草名其露露  
人之肉即潰爛故鮑昭有苦熱行云瘴氣畫薰體藹露

夜露翠濕香嫋嫋應真飛錫過厚孫綽遊天台賦云王  
喬控鶴以冲天應真飛

錫以躡虛倬釋氏要覽云昔高僧隱峯遊五臺出淮西  
柳錫飛空而往西天比丘持錫有二十五威儀凡至室  
中不得著地必挂於壁牙故釋子  
稱遊行僧為飛錫安住僧為挂錫絕澗度雲鳥舉意欲

從之儵然已松杪微言繫珠玉未說意先了覺來如墮

空耿耿聽戶曉羣生陷迷網獨達從古少杜叟子何人

長嘯萬物表妻孥空四壁次公司馬相如  
家徒四壁立振策念輕矯

厚孫綽賦云被毛褐之森森振金策之鈴鈴注曰  
金策錫杖也又云晒夏蟲之疑冰整輕翮而思矯遂為

赤城遊

次公支遁天台山銘序云往天台當遊赤城山為道徑孔靈符會稽記曰赤城山名色皆赤狀

似雲霞故孫綽賦云赤城霞起而建標瀑布飛流以界道

飛步凌縹緲問禪不歸舍

屢為瓠壺繞

續倦遊錄金鑿長老問歐陽景取書索米于玉泉長老景投一絨及詩一絕云金鑿

來覓玉泉書金玉相逢賈倍珠到  
了不干藤蔓事壺蘆自去纏壺蘆  
何人識此志佛眼自

照瞭我夢君見之卓爾非魔媿仙葩發茗椀剪刻分葵

蓼

次公此言其所點茶之詳也先生十八羅漢頌後跋云佛滅度後閻浮提衆生剛狠自用莫肯信入故諸

聖賢皆隱不見獨以像設遺言提引未悟而峩嶺五臺  
廬山天台獨出光景變異使人了然見之賦家藏十六  
羅漢像每設茶供則化為白乳或  
疑為花木桃李芍藥僅可指名  
從今更不出閉戶閒

驀裏時從佛頂巖馳下雙蓮沼

慶源宣義王大人以累舉得官為洪雅主簿雅州  
戶掾遇吏如家人人安樂之既謝事居眉之青神  
瑞草橋放懷自得有書來求紅帶既以遺之且作  
詩為戲黃魯直學士秦少游賢良各賦一首為老  
人光華

青衫半作霜葉枯遇民如兒吏如奴吏民莫作官長看  
我是識字耕田夫妻啼兒號刺史怒

子仁謹按蘇叔黨所作王元直墓表

云初季父慶源官於雅州以論事不合取官長怒即謝病去

時有野人來挽鬚拂衣

自注下下考

師前漢陽城為道州刺史觀察使謂稿讓上考功第城自署曰撫字心勞徵科政拙

宜考 芋魁飯豆吾豈無

援程方進傳童謡曰飯我豆食羹芋魁

歸來瑞草

橋邊路獨遊還佩平生壺

援杜牧之獨酌詩云獨佩一壺遊秋亭太山小

慈姥

巖前自喚度青衣江畔人爭扶

子仁慈姥巖青衣江皆在清神縣

今年

蠶市數州集

蠶市見前和子由蠶市詩注

中有遺民懷袴襦邑中之

黔相指似白髯紅帶老不癯

援左傳澤中之黔實與我役邑中之黔實獲我心

我欲西歸卜鄰舍隔墻撫掌容歌呼不覺玉山乘駟馬



回首空指黃公壚

次公曰王王戎也  
山山濤也

贈王子直秀才

萬里雲山一破裘  
杖端閒挂百錢游

續晉阮修字宣子  
常步行百錢挂杖

頭至酒店便  
獨酣暢而飲

五車書已留兒讀

厚莊子惠施多  
方其書五車

二頃田

應為鶴謀

次公子直  
往鶴田山

水底笙歌蛙兩部

續南史孔稚圭  
門庭之內草萊

不剪中有蛙鳴或問之曰欲為陳蕃乎  
推圭曰我以此當兩部鼓吹何必效蕃

山中奴婢橘千

頭

厚盛弘之荊州記李衡字叔平仕吳為丹陽太守遣  
客於武陵龍陽汎州種柑橘千株臨死語其子曰吾

有千頭木奴不責汝衣食  
歲得千疋絹亦足用矣

幅巾我欲相隨去  
海上何人

識故侯

援漢鄧平故秦東陵侯也秦破為布衣種瓜長安城東

贈鄭清叟秀才

風濤戰扶胥海賊橫泥子

次公扶胥泥子皆經海之處也

胡為犯二怖

博此一笑喜問君奚所欲欲談仁義耳我才不逮人所  
有聊足已安得相付予過聽君誤矣霜風掃瘴毒冬日

稍清美年來萬事足所欠惟一死

續冷齋夜話摩訶衍對梁世祖云貧道客

食陛下三十年恩德厚矣無所欠所欠者只一死耳  
次公宗預曰吾等年踰七十一切已過但少一死耳

澹

然兩無求滑淨空槩几

援王羲之嘗詣門生家見槩几滑淨因書之真草相半後其父誤刮

去之門生驚  
愕者累日

贈嶺上老人

鶴骨霜髯心已灰  
青松合抱手親栽  
問翁大庾嶺頭住  
曾見南遷幾箇回

贈楊耆

并引

西蜀楊耆二十年前見之甚貧  
今復見之益貧所異  
於昔者蒼顏白髮耳女無美惡  
富者妍士無賢不肖  
窮者鄙使耆逢時遇合  
宜必減當世之士哉  
頃宿扶

風驛舍夜半逆旅有歌者其聲悲甚起問之蓋昔富  
今貧者余亦為悽然因飲之以酒而作此詩今日寒  
雨不止忽憶其事且念楊君之栖遲與逆旅者何異  
故出以與之

孤村微雨送秋涼逆旅愁人怨夜長不寐相看惟攄馬  
悲歌互答有寒螿天寒滯穗猶橫畝歲晚空機尚倚墻  
勸爾一杯聊復睡人間貧富海茫茫

送筇芍藥與公擇二首

久客厭北饌，枵然思南烹。

子仁退之詩。我來禦魑魅，自宜味南烹。堯卿莊子云：非不

枵然大也。

故人知我意，千里寄竹萌。

次公筍曰竹萌。出筍譜厚老蕕云：竹萌抱淨節。

駢頭玉嬰兒，一一脫錦褌。

次公唐人食筍詩：稚子脫錦褌。駢頭玉香滑。

庖人

應未識旅人眼，先明我家拙。厨饌焘肉芼，蕪菁送與江。

南客燒煮配香粳。

今日忽不樂，折盡園中花。園中亦何有，芍藥裊殘葩。久

旱復遭雨，紛披亂泥沙。不折亦安用，折去還可嗟。棄擲

諒未能送與謫仙家。還將一枝春，插向兩髻丫。

次公謫仙指言。

公擇以其姓李故也堯卿文忠詩云小婢立我前赤脚兩髻丫

### 次韻關令送魚

舉網驚呼得巨魚饒涎不易忍流酥更煩赤腳長鬚老

次公退之寄玉川子詩一奴長鬚不裹頭一婢赤腳來老無齒又詩云先生有意許降臨更遣長鬚致雙鯉

聽西風十幅蒲師國史補云舟船之盛盡於西江編蒲為帆大者或數十幅自白沙汧流而上

常待東北風謂之潮信風

### 丁公默送蝸蚌

堯卿胡越風物志云蝸蚌并蟻十足生海邊泥穴中潮退採取之四

時常有雌者厖大而肥重者踰數斤去厖渾莫熟分擘薦酒切為羹其小而黃者謂之石蝸蚌

硬肉

溪邊石蟹小如錢喜見輪囷赤玉盤半殼含黃宜點酒

兩螯斫雪勸加餐

伯恭酉陽雜俎云蝻蟬大者長尺餘兩螯最強鄆縣昔有人於水際泥穴

探取之手為左螯所夾即以口嚙目所又為右螯所剪有頃而死至今呼此為蝻蟬洲

蠻珍海錯

聞名久怪雨腥風入座寒堪笑吳興饒太守一詩換得

兩尖團

次韻樂著作送酒

少年多病怯杯觴老去方知此味長萬斛羈愁都似雪

次公庾子山愁賦云唯將一寸心貯此萬斛愁

一壺春酒若為湯

次公後漢閻忠干說皇甫

嵩曰推強易於折枯消堅甚於湯雪

送牛尾狸與徐使君

時大雪中

風捲飛花自入帷一樽遙想破愁眉  
泥深厭聽鷓鴣頭

蜀人謂泥滑滑為鷓鴣頭鷓鴣父避齋間覽云白蟻聞竹鷓之聲化為水今在處山林皆有之聲自呼為泥滑滑者是也  
酒淺欣嘗牛尾狸  
次公先生詩有因題中三字而為之對如以白茅薑對黃耳菌

下以梅黃雨對船趁風與今以鷓鴣對牛尾狸同格其意自貫不害為工韓西陽雜俎云洪州有牛尾狸肉

甚通印子魚猶帶骨

共父遜齋間覽云莆陽通應子魚名者天下蓋其地有通應侯廟



前有港港中之魚最佳今人必求其大可容印者謂之  
通印子魚荒菴祖酉陽雜俎云印魚長一尺三寸額上四  
方如印有字諸大魚應死者皆印封之披緜黃雀謾多脂慙慙送去煩織

手為我磨刀削玉肌

杜沂遊武昌以醑醑花菩薩泉見餉二首

子暉先生菩薩

泉銘叙云陶侃送阿育王所鑄文殊師利像於武昌寒溪寺今寒溪之西數百步別為西山寺

泉出色白而甘號菩薩泉

醑醑不爭春寂寞開最晚青蛟走玉骨羽蓋蒙珠噀不  
粧艷已絕無風香自遠淒涼吳宮闕武昌有孫權故宮苑紅粉埋

故苑至今微月夜笙簫來翠巘餘妍入此花千載尚清

婉

次公以武昌有孫權故宮故特用吳宮嬪媼之鬼為意耳

怪君呼不歸定為花所

挽昨宵雷雨惡花盡君應返

君言西山頂自古流白泉上為千牛乳下有萬石鈿不

愧惠山味但無陸子賢願君揚其名庶託文字傳寒泉

比吉士

次公寒泉詩爰有寒泉在浚之下

清濁在其源不食我心惻

程

井卦井渫不食使我心惻

於泉非所患嗟我本何有虛名空自纏不

見子柳子餘愚汙溪山

厚柳宗元謫居永州更名丹溪為愚溪

徐使君分新火

臨臯亭中一危坐

子仁先生初到臯寓居定惠院後  
自定惠徙居臨臯亭本同車院也

三

月清明改新火溝中枯木應笑人

續莊子百年之木破  
為犧尊青黃而文之

其斷在溝中

鑽灼不然誰似我黃州使君憐久病分我五更

紅一朶從來破釜躍江魚只有清詩嘲飯顆

援唐史李  
白以杜甫

齷齪故有飯山之嘲其詩云飯顆山頭逢杜甫頭戴  
笠子日卓午試問因何太瘦生總為從前作詩苦

起

攜蠟炬遶空屋欲事烹煎無一可

任石鼎聯句云巧匠  
琢山骨剝中事煎烹

為公分作無盡燈

續維摩詰言無盡燈者譬如一燈  
然千百燈冥者皆明明終不盡

照

破千方昏暗鑠

謝陳季常惠一措巾

師措於威切藏也

夫子胸中萬斛寬此巾何事小團團半升僅漉淵明

酒

續南史陶潛傳郡將候潛逢其酒熱取頭上葛巾漉酒畢還復著之

二寸纔容子夏冠

厚

漢杜欽字子夏茂陵杜鄴與欽同姓字俱以才能稱京師故衣冠謂欽為盲杜子夏以相別做惡以疾見詆乃為小冠高廣纔二寸由是京師更謂欽為小冠子夏云

好帶黃金雙得勝可憐白

紵一生酸

堯卿謂季常有文事而又有武備黃金得勝乃戰陣得捷之人所戴也吳有白紵巾按舊

史白紵吳地所出白紵舞乃吳舞也敬夫宋書樂志有白紵舞樂府解題白紵曲曰贊如輕雲色如銀製以為

袍餘作中袍以充體中拂塵臂弓腰箭何時去直上陰山取可汗

### 次韻周種惠石鈹

銅腥鐵澀不宜泉愛此蒼然深且寬蟹眼翻波湯已作

龍頭拒火柄猶寒

厚道士輅軒彌明石鼎聯句云龍頭縮菌蠹豕腹脹膨腩次公龍頭言拒

火則指所刻之柄也舊注所引乃鼎之狀耳非是

薑新鹽少茶初熟水漬雲蒸

蘇永乾

厚石鼎聯句又云外苞乾蘇文中暗浪驚

自古函牛多折足

續淮南子

函牛之鼎沸則蟻不得置一足馬又易鼎卦鼎折足覆公餗

要知無脚是輕安

次公衝波

傳曰孔子使子貢於吳久而不來謂弟子占之遇鼎皆言無足不來顏回掩口而笑曰無足者乘舟而來矣子

貢朝至  
如同言

泗州除夜雪中黃寔送酥酒二首

元豐七年  
甲子作

莫雪紛紛投碎米春流咽咽走黃沙  
舊遊似夢徒能說

逐客如僧豈有家

次公逐客先生自謂黃州之謫也史記李斯傳秦一切逐客李斯議亦在

逐冷硯欲書先自凍孤燈何事獨成花

續西京雜記樊噲問陸賈曰自

古人君受命於天云有瑞應豈有是乎賈曰目暍得酒食燈花得錢財乾鵲噪而行人至蜘蛛集而百事喜小

既有微大亦宜然

使君半夜分酥酒驚起妻孥一笑譁

關右土酥黃似酒

次公金城土酥淨如練土酥者彼中土酥之名也

揚州雲液

却如酥

次公梁孝標謝啓有  
松子玉漿衛御雲液

欲從元放覓拄杖

厚太平  
廣記左

慈字元放孫討逆欲殺之使慈行於馬前欲自後刺之  
慈著一木履拄一竹杖徐徐而行討逆著鞭策馬終不

能忽有麴生來坐隅

續集異記載朝官數人詣葉法善  
座上思酒忽有人叩門稱麴秀才

論難鋒起葉疑其妖以劍擊之化為酒壺坐客飲之撫  
瓶曰麴生風味不可忘一說張燕公說詣葉善師命酒

彌日無他容師曰此有麴處士者性謹而訥頗耽於酒  
說命召之斯頃而至其形不及三尺而腰帶數圍使坐

於下酒至杯盃皆盡而神色不動燕公將去師忽奮劍  
以麴生曰曾無高談虛論唯耽於酒亦何用哉因斬之

而已對雪不堪令冷暖隔船應已厭歌呼

厚曹參傳相  
舍後園近吏

舍日飲歌呼參聞之乃反  
取酒張坐飲大歌呼相和明朝積玉深三尺高枕牀頭

尚一壺

章錢二君見和復次韻答之

黃昏已作風翻絮，半夜猶驚月在沙。照汴玉峯明佛剎。

隔淮雲海暗人家，來麩有信迎三白。次公來麩言麥也。詩曰：貽我來麩而

西人之語云：欲宜麥見。蒼筤無香散六花。蒼筤，椴子花。與雪花皆六

三白謂三度見雪也。欲喚阿咸來守歲，林鴉櫪馬闌。

出嶺韓詩外傳：凡草木花五出而蒼筤六出。喧譁已頌花盞簪，喧櫪馬列炬散林鴉。杜位者公之從

弟也。蓋阮籍謂兄子咸為阿咸。



分無纖手裁春勝况有新詩點蜀酥

次公春勝元日所戴也蜀中人家多

誇婦女以點酥詩句坐

醉裏冰髭失瓔珞夢回布被起廉隅君應

旅賤寒生暈我亦飢腸夜自呼明日南山春色動不知

誰佩紫微壺

次公紫微指杜牧也牧為紫微舍人有獨酌詩曰獨佩一壺遊秋毫泰山小

### 次韻趙令鑠惠酒

神仙無石髓

次公神仙傳王烈字長休嵇叔夜嘗就學共入山採藥後烈獨之太行山中忽聞山

東北如雷聲烈往視之乃見山坡石裂數百步中有青泥流出如髓烈取泥試丸之氣如粳米飯嚼之亦然烈食數丸因攜少許歸欲與叔夜曰吾得異物叔夜喜取視之已成青石又按神仙經云神山五百年輒一開其

中石髓出得而服之壽等  
天地烈前得者必是也

生世悲暫寓坐待玉膏流

續十

洲記瀛洲有玉膏如酒名曰玉酒飲數升輒醉令人長  
生次公山海經云密山之上川水出焉其中多玉膏其  
源沸湯黃帝是食玉膏之山玉色乃清玉味乃馨堅栗  
精密曜而有光五色發作以和柔剛天地鬼神是食是  
享君子服之  
千載真旦暮青州老從事高上非所部

厚桓

溫有主簿善別酒好者謂青州從事惡者謂平原督郵  
蓋青州有齊部平原有葦縣從事謂到臍下督郵言高  
住工惠然肯見從子仁詩云知我憎市酤開餅自洗盞殺

核誰與具

師毛詩殺  
核惟旅

門前聽剥啄烹魚得尺素

杜介送魚

新年已賜黃封酒，舊友仍分鱸尾魚。

續詩魚鱸尾

陋巷關門

負朝日小園除雪得，春蔬病妻起斫銀絲膾。

厚杜詩鮮鮓銀絲膾

稚子歡尋尺素書，醉眼朦朧覓歸路。松江烟雨晚疎疎。

次韻宋肇惠澄心紙二首

居仁詩文發源云澄心堂紙乃江南李后主所

製劉貢父詩云當時百金售一幅澄心堂中千萬軸後人聞此那復得就使得之當不識

詩老囊空一不留

子仁杜詩囊空恐羞澀留得一錢看詩老指梅聖俞也

百番曾

作百金收

永叔以澄心百幅遺聖俞聖俞有詩

知君也要雕肝腎，分我江

南數斛愁

厚庾亮賦云且將一寸心能容萬斛愁澄心紙江南李后主所製也故曰江南數斛愁又

退之詩不用  
雕琢愁肝腎

君家家學陋相如

次公宋肇蓋子京家子京好為險  
澁之語故言其家學陋相如也

與諸儒論石渠

師漢天祿石渠皆  
儒臣著述之館

古紙無多且分我自

應給扎奏新書

倬漢武帝詔尚書給筆札令  
司馬相如賦子虛雲夢之賦

次韻王晉卿惠花栽所寓張退傅第中

坐來念念失前人  
共向空中寓一塵  
若問此花誰是主  
天教閒客管青春

謝關景仁送紅梅栽二首

年年芳信負紅梅江畔垂垂又欲開珍重多情關令尹  
直和根撥送春來

為君栽向南堂下記取他年著子時酸醜不堪調衆口  
使君風味好攢眉

以屏山贈歐陽叔弼

漫郎天骨清

續唐元結自稱浪士  
及有官人呼為漫郎

生與世俗異學道新

有得為貧聊復仕每於紅塵中常起青霞志

次公江淹  
恨賦云中

散下獄神氣激揚鬱青霞  
之奇意入修夜之不暘

屏山輟贈子莫遣汗齷瑁寓

目紫翠間安眠本非睡夢中化為鶴飛入長松寺

洞庭春色 并序

安定郡王以黃柑釀酒謂之洞庭春色色香味三絕  
以餉其猶子德麟德麟以飲予為作此詩醉中信筆  
頗有沓拖風氣

二年洞庭秋

次公洞庭秋言柑也太湖洞庭山上出美柑所謂洞庭柑熟欲分金也

香霧

長嘆手今年洞庭春玉色疑非酒賢王文字飲醉筆蛟

蛇走

任李白草書歌恍惚如聞神鬼驚時時又見龍蛇走

既醉念君醒遠餉為我

壽餅開香浮座蓋凸光照牖方傾安仁

醞岳笠賦云披黃包以授

柑傾縹瓷以酌醞

莫遣公遠嗅

明皇食柑凡千餘顆皆闕一瓣問進柑使者云中塗嘗有道士

喚之蓋羅公遠也

要當立名字未用問升斗

援杜甫詩云月出遮我留仍嗔問升

斗應呼釣詩釣亦號掃愁帚

子仁李後主中酒詩莫言滋味惡一筭掃寒愁君

知蒲萄惡

次公蒲萄言酒也前漢大宛以蒲萄為酒富人藏酒至萬餘石又唐書破高昌取蒲萄實

於苑中種之并得其酒法上自損益造酒成凡有五色

正是嫫母黝

次公楚辭西施媿媿而不

得見嫫母勃屑而日侍黝黑也

須君灑海杯澆我談天口

次公史記齊人頌曰談天

衍雕龍真又田駢有天口之號故參用之

次韻趙德麟雪中惜梅且餉柑酒三首

千花未分出梅餘  
遺雪摧殘計已疎  
臥聞點滴如秋雨  
知是東風為掃除

閨苑千葩映玉宸  
人間只有此花新  
飛靈欲要先桃李

散作千林火迫春

次公唐史云火迫鄧侯火迫者急忙之謂今言梅花飛靈又欲急作桃李

之春也敬夫唐史云源休導朱泚僭號姚令言勸泚圍奉天二人爭自比蕭何休顧令言曰成秦之業無輩我者我視蕭何子當曹參可矣即收國籍財府庫効何者人皆笑謂為火迫鄧侯

蹀躞嬌黃不受鞮

次公嬌黃言柑也

東風暗與色香歸  
偶逢白



墮爭春酒

厚海東劉白墮善釀酒曝於日中經旬酒味不動飲之醉而不醒永熙中青州刺史毛鴻

賓賁酒之蕃路逢劫盜飲之即醉皆被擒因此名擒姦酒游俠語曰不畏張弓拔刀惟畏白墮春醪遣入

王孫玉斝飛

到官病勸未嘗會客毛正仲惠茶乃以端午小集

石塔戲作一詩為謝

正仲名漸衛之江山人也

我生亦何須一飽萬想滅胡為設方丈養此膚寸舌邇

來又衰病過午飯輒噎繆為淮海帥每愧厨傳缺

次公淮海

言揚州也漢宣帝詔曰更或飾厨傳稱過使客注公厨謂飲食傳謂傳舍

費無欲清人奉使

免內熱

續曰莊子葉公子高將使齊問於仲尼曰吾食也執粗而不減變無清之人今吾朝受命而夕飲水

我其內

熱與 空煩赤泥印

子仁劉夢得試茶歌何況蒙山顧渚春白泥赤印走風塵遠

致紫玉玦

會茶錄云茶色貴白而餅茶多以珍膏油其面故有青黃紫黑之異

為君伐羔

豚歌舞菰黍節

次公周處風工記曰端午以菰葉裹粘米謂之角黍以象陰陽相包裹米分散

也 禪牕麗午景蜀井出冰雪

次公揚州有蜀岡岡上有井水最宜茶也 坐客

皆可人

援禮記孔子曰管仲遇盜取二人馬曰可人也又晉書桓溫過王敦墓曰可人可人

鼎器

手自潔金釵候湯眼魚蟹亦應訣

子仁茶經云凡候湯有三沸如魚目微有

聲為一沸四邊如涌泉為二沸騰波鼓浪為三沸湯老矣

遂令香色味一日備三絕

報君不虛知我非輕啜

生日劉景文以古畫松鶴為壽且貺佳篇次韻為

謝

問子一室間寧有千里廓塵心洗長松遠意發孤鶴生

朝得此壽死籍疑可落

續抱朴子云小餌丹法服之二日司命削其死籍次公李太白

詩北艷落死名南斗上生籍

微言在參同

厚魏伯陽作參同契之書次公白樂天詩云授我參

同契其辭妙且微潘按神仙傳魏伯陽齊會稽上虞人也得古文龍虎上經盡獲妙旨公因約其象著參同契

三妙契藏九龕

援鮑昭升天行云五圖發金記九龕隱丹經注云仙家有九轉金丹液而龕所

以藏書也故人有奇趣逸想寄幽壑霜枝謝寒暑雲翮無前

却何須構明堂

厚白樂天松詩殺身獲其所為君構明堂

未羨巢阿閣

厚帝王世

紀曰黃帝時天氣休通五行期化風風巢于阿閣

緬懷別時語復作數日惡

晉續

書王羲之謝安嘗謂曰中年以來傷於哀樂與親友別輒作數日惡

詩腴固堪餐字瘦還

可愕

次公中興間氣集載高仲武評郎士元詩曰可齊衡古人掩腴前輩

高標忽在眼清

夢了如昨君今噲等伍

厚韓信廢為淮陰侯嘗過樊噲噲趨拜曰大王乃肯臨臣信曰

生乃與噲等為伍耶

志與湛輩各

援晉書羊祜登峴山慨然顧謂從事鄒湛等曰自有宇宙便有

此山由來賢達勝士登此遠望如我與君者多矣皆湮滅無聞使人悲傷湛曰公德冠四海道嗣前哲令聞令

望必與此山俱傳至  
若湛輩乃如公言耳  
豈待相顧言方為不朽托子雲老

執戟長孺終主爵

厚汲黯字長孺為主爵都尉列於九卿後以鯁直不容上益疎之吾

當追喬松

援赤松子神農時雨師服水玉得仙王于喬周靈王太子晉也子亦鄙衛霍

程德孺惠海中柏石兼辱佳篇輒復和謝

嵐薰瘴染却膚腴

次公言德孺自廣南使還也笑飲貪泉獨繼吳未

欲連車收薏苡

援後漢馬援在交趾常餌薏苡實用能輕身省慾以勝瘴氣及軍還載一車欲

以為種時人讒之

肯教沉網取珊瑚

厚唐書西域傳大秦西南漲海中八

百里到珊瑚洲洲底有盤石珊瑚生其上海

不知庾嶺

三年別

厚九域志大庾嶺本屬虔州大庾縣淳化三年以縣置南安軍

收得曹溪一滴

無

厚傳燈錄僧問清涼如何是曹溪一滴

但指庭前雙柏石要予臨老識

方壺

次公列子渤海之東有大壑名曰歸墟其中有岱輿員嶠方壺也

吳子野將出家贈以扇山枕屏

峩峩扇中山絕壁信天剖誰施大圓鏡

厚楞嚴經云又於自心現大圓

鏡內放十種微妙寶光

衡霍入戶牖

厚爾雅疏衡山一名霍山漢武帝移岳神於天柱又名天

柱為霍故漢以來衡霍別耳

得之老月師畫者一醉叟常疑若人胸

自有雲夢數千巖在掌握用捨彈指久

次公杜詩大千在掌握而佛書

所謂一彈指頃也

低昂不自知恨寄兒女手短屏雖曲折

厚南史王

遠時人謂為屏風

高枕謝奔走出家非今日法水洗無垢

厚維摩經言八解之浴池定水湛然滿布以清淨花浴此無垢人也

浮游雲釋嶠

韓退之詩戀池

羣鴨回釋嶠孤雲縱

燕坐柳生肘

續莊子支離叔與骨介叔觀於冥伯之丘崑崙之墟黃帝之所

休而柳生其左肘

### 中山松醪寄雄州守王引進

鬱鬱蒼髯千歲姿肯來杯酒作兒嬉流芳不待龜巢葉

唐以荷葉為酒杯謂之碧筒酒厚脞說魏正始中鄭公愨三伏之際率賓僚避暑於懋城取大荷葉盛酒以簪

刺葉令與柄通傳喻之名為碧筍次公史記掃白聊煩  
裁千歲之龜其大如錢遊於蓮葉之上也

鶴踏枝

次公鶴踏枝言松也  
古詩云虬枝鶴踏也

醉裏便成歌雪舞醒時與

作嘯風辭馬軍走送非無意

厚杜甫謝嚴中丞送乳酒  
詩云鳴鞭走送憐漁父沈

蓋閱嘗  
對馬軍

玉帳人間合有詩

次公玉帳將軍帳  
也古有玉帳經

### 歐陽晦夫惠琴枕

中郎不眠仰看屋

續中郎蔡邕也伏滔長笛賦序曰蔡  
邕避難江南宿於柯亭柯亭之館以

竹為椽邕仰而眇之曰良竹也  
取以為笛奇聲獨絕歷代傳之

得此古椽圍尺竹

次公  
劉禹

錫詩修竹  
盈尺圓

輪囷濩落非笛用

次公鄒陽云枯木輪囷為  
萬乘器又惠子云大瓠



落無所容也 剖作袖琴徽軫足流傳幾處到淵明臥枕綸巾

酒新漉孤鸞別鶴誰復聞

子仁淵明詩知我故來意取琴為我彈上絃驚別鶴下絃

離孤鸞鼻息齁齁自成曲

歐陽晦夫遺接羅琴枕戲作詩謝之

攜兒過嶺今七年遠途更着黎衣冠

次公黎謂生黎也儋州之俗呼山嶺

為黎而人居其間號曰生黎見地志所載今云黎衣冠言生黎所服之衣冠也

白頭穿林要膝

帽赤脚渡水愁花縵

次公杜詩遙望青松架短壑安得赤脚踏層冰

不愁故人

驚絕倒

子仁晉衛玠字叔寶王澄每聞玠言輒嘆息絕倒時人為之語曰衛玠談道平子絕倒

但

使俚俗相恬安見君合浦如夢寐挽須握手俱汎瀾公次

謝安起挽桓伊須妻縫接羅霧縠細兒送琴枕冰徹寒

曰使君於此不凡無絃且寄陶令意倒載猶作山公看援晉山簡為荊州習氏有池簡每出

嬉遊輒醉名之曰高陽池童兒謠曰山公出何許往至

高陽池日暮倒載歸酩酊無所知時時能騎馬倒着白

接我懷汝陰六一老次公歐陽永叔自號六一居士汝陰潁州也永叔嘗為潁州眉

宇秀發如春鬢羽衣鶴氅古仙伯岌岌兩柱扶霜紈次公

白接羅巾至今畫像作此服凜如退之加渥丹子仁魏泰東軒

之製也雜錄晏公一日見韓愈畫像語坐客曰此貌大類歐陽修安知愈非後身也詩云顏如渥丹邇來前

輩皆鬼錄

續魏畧文帝與吳質書曰徐陳應劉一時傾逝今視其文皆為鬼錄

我亦帶脫

巾歌寬作詩頗作六一語往往亦帶梅公酸

次公梅公聖俞也

謝人惠雲巾方寫二首

燕尾稱呼理未便剪裁雲葉却天然無心只是青山物  
覆頂宜歸紫府仙轉覺周家新樣俗未容陶令舊名傳

續頭巾起晉陶潛以葛巾漉酒

鹿門佳士勤相贈黑霧玄霜合比肩

胡犍短鞞格麤疎古雅無如此樣殊妙手不勞盤作鳳  
輕身只欲化為鳧魏風褊儉堪羞葛楚客豪華可笑珠

擬學梁家名解脫便於禪坐作跏趺

續詩魏風葛屨刺  
褊也楚公子春申

君客皆躡珠履梁

武帝作解脫履

### 贈眼醫王生彥若

鍼頭如麥芒氣出如車軸

續素問曰鍼頭  
如芒氣出如篋

間闕絡脉中

性命寄毛粟而况清淨眼內景含天燭琉璃貯沆瀣

堯卿

張平子賦注云沆瀣  
灌北方夜半之氣

輕脆不任觸而子於其間來往施鋒

鏃笑談紛自若觀者頸為縮運鍼如運斤

厚莊子雜篇  
郢人墜漫其

鼻端若蟬翼使匠石運斤成  
風聽而斲之盡墜而鼻不傷

去翳如折屋常疑子善幻

他技雜符祝子言吾有道此理君未矚形骸一塵垢貴

賤兩草木世人方重外

續莊子外篇以瓦注者巧以鈎注者憚以黃金注者昏其巧一

也而有所矜則外重也凡外重者內拙

妄見瓦與玉而我初不知刺眼如

刺肉君看目與翳是翳要非目目翳苟二物易分如麥

菽寧聞老農夫去草易傷穀鼻端有餘地肝膽分楚蜀

吾於五輪間蕩蕩見空曲

次公五輪者眼科之常談

如行九軌道並

驅無擊轂

次公周禮經涂九軌詩云並驅從兩肩又蘇秦云臨淄之塗車轂擊人肩摩

空山

誰開落

援楞嚴經云亦如翳人見空中花翳病若除花於空滅

明月自朏胸

次公釋名

朧月未盛名也。魄月始生，魄然也。註承大月月生三日，謂之魄。承小月月生，謂之朧。又晦而西方謂之朧朔。而見東方謂之朧。朧音斐，朧音他。了反，朧音女六反。註朧健行貌也。朧者縮遲貌也。請問樂全堂。

忘言老尊宿  
彦若樂全先生門下醫也

陳季常見過三首

仕宦常畏人，退居還喜客。君來輒館我，未覺雞黍窄。東

坡有奇事已種十畝麥，但得君眼青。  
續晉阮籍尤能為青白眼，見禮法之

士以白眼對之，及見嵇喜，籍作白眼，喜不憚而退。喜弟康聞之，乃齎酒挾琴造焉。籍大悅，乃見青眼。由是禮法

之士疾之若仇。不辭奴飯白。  
厚杜詩為君沽酒滿眼，酷與奴白飯，馬青芻。

送君四十里只使一帆風江邊千樹柳落我酒盃中此  
行非遠別此樂故無窮但願長如此來往一生同

聞君開龜軒東檻俯喬木人言君畏事欲作龜頭縮我

知君不然朝飯仰暘谷

次公暘谷日所出也見淮南子龜燕日氣而壽故養生者服日

華所以

餘光幸分我

續史記甘茂謂蘇秦曰貧人女與富人女會績貧人女曰我無以買

燭而子之燭光幸有餘子

不死安可獨

次公孟簡謂韓退之曰我得秘

藥不可獨不死今遺子一器事見退之太常博士李君墓誌

### 贈劉景文

荷盡已無擎雨蓋菊殘猶有傲霜枝一年好景君須記  
正是橙黃橘綠時

虔州呂倚承事年八十三讀書作詩不已好收古

今帖貧甚至食不足

繞潘子真詩話補遺呂倚夢得維陽人少有場屋聲善屬

對喜收書畫踏蹬不偶老始以思補虔州瑞金簿致仕貧無以歸年八十餘唯有一女嫁贛人因居馬與王禹玉有舊元豐間餉錢二萬酒十壺夢得作啓致謝隔句中用白水真人青州從事為對禹玉極嘆賞之其

後東坡過虔以詩遺之云

揚雄老無子

次公揚雄以童烏死其後竟無子馮衍終不遇

續馮衍娶北地任氏



為妻老竟逐之  
不識孔方兄  
厚魯褒錢神論曰親之如兄字曰孔方  
但有

靈照女  
續龐蘊女靈昭父  
家藏古今帖墨色照箱管飢

來據空案一字不堪煑枯腸五千卷  
續盧仝茶詩三椀搜枯腸惟有文字

五十磊落相撐拄吟為蜩蛩聲時有鳥可句  
次公賈鳥可明二人

之詩皆清而苦  
為語里長者德齒敬已古如翁有幾人薄少可

時助  
續退之贈盧仝詩俸錢供給公私餘時致薄少助祭祀

郭綸  
續本河西弓箭手屢戰有功不賞自黎州都監官滿貧不能歸令權嘉州監稅

河西猛士無人識日暮津亭閱過船路人但覺驄馬瘦

不知鐵槊大如椽因言西方久不戰截髮願作萬騎先

我當憑軾與寓目

續晉楚次于城濮楚子玉請戰曰請與君之士戲君憑軾而觀之得臣與

寓目看君飛矢射蠻虜

鐵溝行贈喬太博

堯卿名敎字禹功

城東坡隴何所似風吹海濤低復起

堯卿杜詩加陵江土何所似石黛碧

玉相因依城中病守無所為走馬來尋鐵溝水鐵溝水淺不

容翰恰似當年韓與侯

續退之詩吾黨侯生字叔起呼我持竿釣温水

有魚無

魚何足道

厚韓詩又云此縱有魚何足求

駕言聊復寫我憂孤村野店

亦何有欲發狂言須斗酒山頭落日側金盆

厚杜贈蜀僧詩夜闌

接軟語落月傾金盆

倒着接羅搔白首忽憶從軍年少時輕裘細

馬百不知臂弓腰箭南山下追逐長楊射獵兒

續漢成帝命右

扶風發民入南山捕熊羆虎豹之屬輸長楊射熊館以網為罔陸縱禽獸其中令胡人手搏之上親臨觀揚雄獻賦以諷老去同君兩憔悴犯夜醉歸人不避明年定

起故將軍未肯先誅霸陵尉

續李廣屏居藍田南山中射獵嘗夜從一騎出從人

田間飲還至亭霸陵尉醉呵止廣廣騎曰故李將軍尉曰今將軍尚不得夜行何故也宿廣亭下居無何廣為右北平太守請霸陵尉與俱至軍斬之堯卿尚功嘗欲換武故有此句其後果換左藏知施州又作詩云今年

果起故將軍蓋  
謂此言明驗

游山呈通判承議寫寄參寮師

煌煌世胄餘夫子非碌碌由來有詩書所以能絕俗得  
官本河朔瓜期未易促扁舟下南來逸駕追鳴鶴遇勝  
即徜徉風餐兼露宿嗟予偶傾蓋一笑外羈束杖策每  
過從相攜訪山谷東風披鮮雲繡錯出林麓松門有時  
盡幽景無斷續崖轉聞鐘聲林疎見華屋街山餘落景  
歸迹猶躑躅誰云鄴下歡往事不可復吾曹二三子取

樂亦云足願公寄新詩一一能見錄船頭行北歸囊橐  
有美玉塵埃京洛人亦與洗心目

贈仲勉子文

雨昏南浦曾相對雪滿荊州喜再逢有子才如不羈馬  
知君心似後凋松閒看書冊應多味老傍人門想更慵  
何日晴軒親筆硯一杯相屬更從容

成伯席上贈所出妓川人楊姐

坐來真箇好相宜深注唇兒淺畫眉須信楊家佳麗種

洛川自有浴妃池

常山贈劉鋹

劉侯年少日駿馬拊便面援弓鴈自落不待白羽貫

呈定國

舊病應逢醫口藥新粧漸畫入時眉信知詩是窮人物  
近覺王郎不作詩

贈狄崇班季子

狄生臂鷹來見客不會揖踞牀啗得雋借筋數禽入短

後掬豹裘猶濺猩血濕指呼索酒嘗快作長鯨吸半酣  
論刀槩怒髮欲起立北方老獬子狂突尚不繫要須此  
慄悍氣壓邊烽急夜走追鋒車生斬活離級持歸獻天  
王封侯穩可拾何為走獵師日使羣毛泣

贈李彥威秀才

魏王大瓠實五石種成濩落將安適可憐公子持十牛  
海上三年竟何得先生少負不羈才從軍數到單于臺  
天山直欲三箭取白衣將軍何人哉夜逢怪石曾飲羽

戲中戟枝何足數誓將馬革裹尸還肯學班超苦兒女  
封侯衛霍知幾許老矣先生困羈旅酒酣聊復說平生  
結襪猶堪一再鼓棄書捐劍學萬人紈袴儒冠皆誤身  
窮途政似不龜手與世羞為西子顰如今惟有談天口  
雲夢胸中吞八九世間萬事寄黃梁且與先生說烏有  
去歲與子野遊逍遙堂日欲沒因並西山叩羅浮  
道院至已二鼓矣遂宿于西堂今歲索居僂耳子  
野復來相見作詩贈之



往歲追歡地寒窻夢不成笑談驚半夜風雨暗長檠鷄  
唱山椒曉鐘鳴霜外聲只今那復見髣髴似三生

上韓持國

韓氏三虎秉樞極中有一虎似偉節端居隱几學無心  
夙駕入朝常正色犯時獨行太崐崐回天不忌真藥石  
輦致歸來荷二聖推排使至有衆力吾儕小人但飽食  
不有君子何能國西湖醉臥春水船如何為人作豐年

用定國韻贈二十姪震

衡門老苔蘚行栢干兵屯開樽邀落日未對烏鳥言清  
風舉吹籟散亂書帙翻傳呼一何急人馬從車奔貧居  
少賓客隣婦窺籬藩墻頭過春酒綠泛田家盆比來伏  
青蒲坐捉白獸樽王猷修潤色亦有簿領煩朝廷貴二  
陸屢聞天語溫猶能整筆陣媿我非韓孫

元祐癸酉八月二十七日於建隆章淨館書贈王

覲

海上東風犯雪來臘前先折鏡湖梅遙思禁苑青春夜

坐待宮人畫詔回

贈山谷子

黃童三尺世無雙  
筆頭衮衮懸秋江  
不憂老子難為父  
平生崛強今已降  
我來喜共阿戎語  
應敵縱橫如急雨  
生子遠如孫仲謀  
豚犬謾多何足數  
黃家小兒名拾得  
眉如長松眼如漆  
只今數歲已動人  
老人留眼看他日  
笑君老蚌生明珠  
自笑此物吾家無  
君當置酒我當賀  
有兒傳業更何須

周教授索枸杞因以詩贈錄呈廣倅蕭大夫

鄴侯藏書手不觸嗟我嗜書終日讀短檠照字細如毛  
怪底昏花懸兩目扶衰賴有王母杖名字於今掛仙錄  
荒城古塹草露寒碧葉叢低紅菽粟春根夏苗秋著子  
盡付天隨耻充腹蘭傷桂折緣有用爾獨何損丹其族  
贈君慎勿比薏苡採之終日不盈掬外澤中乾非爾儔  
斂藏更借秋陽曝鷄壅桔梗一稱帝董也雖尊等臣僕  
時復論功不汝遺異時謹事東籬菊

謁敦詩先生因留一絕

凜凜人言君似雪我言凜凜雪如君  
時人盡怪蘇司業  
不解將錢與廣文

贈王覲

何人生得寧馨子  
今夜初逢掣筆郎  
莫恠圍碁忘瓜葛  
已能作賦繼靈光

贈人

別後休論信息疎  
仙凡自古亦殊途  
蓬山路遠人難到

霜柏威高道轉孤，舊賞未應亡。楚國新詩聞已滿，皇都誰憐澤畔行吟者。目斷長安貌欲枯。

贈包安靜先生三首

皓色生甌面，堪稱雪見羞。東坡調詩腹，今夜睡應休。

偶謁

大中精籃中故人烹日注  
茶果不虛故詩以記之

建茶三十片，不審味如何。奉贈包居士，僧房戰睡魔。

昨日

點日注極佳點此復云罐中  
餘者可示及舟中滌神耳

東坡詩集註卷九